



21190

kat.komp.

III

P

Chrysoth.

apostolus et concilium.

Faraster. Col. S. J. Sidus primae magnitudinis  
seu Agnus Latusianus.

PANEG. et VITAE

Poeta. Fol.

N. 1704.



PR

Z

EXCEL

I

CH

Z

EP

16000



S I D V S  
PRIMÆ MAGNITVDINIS

S E V

A G N V S  
Z A Ł V S C I A N V S

In Infulati Honoris Zodiaco

cū

EXCELLSNTISSIMVS, ILLUSTR. & REVERENDISSIMVS DOMINVS

D. ANDREAS  
CHRYSOStOMVS

IN Z A Ł V S K I E

Z A Ł V S K I

DEI, & Apostolicæ Sedis Gratiâ

EPISCOPVS PŁOCENSIS

Sacræ Reginalis Majestatis

CANCELLARIVS

Secundam adiret Infulam

à Ducalibus Iaroslaviæ Collegiis


SOCIETATIS IESU

Panegyrico Cultu

A D O R A T V S. \*

Anno in Terris Nati SIDERIS M. DC. XCHI.

\* Sanctum  
SIDVS  
adora.  
Æneid. 2.



LUBLINI, TYPIS Collegii Societatis IESU,

l.l.





Sunt STELLÆ, Procerum similes. --

*Manil. l. 5. vers. 739.*

Quem  
Relq̃ domi gestæ, properataq̃ gloria rerum  
In SIDVS vertère. --

*Ovidius Lib. 15. Metam. ver. 748.*



SIDERIS instar

Emicuit.


*Claudian. de Bell. Get. Ver. 458.*

21. 190 III



21 D V 2  
P  
Ann  
mus t  
vultu  
oculo  
lorum  
Habe  
hat; c  
rigin  
bent.  
nil ill  
deatu  
& tan  
vend  
quoq̃  
erunt  
stam;  
plures  
huc o  
suam  
gloria  
tam o  
tâ pri





# PANEGYRICVS



N tam inusitata Virtutis, Meritorum luce, præcipuo Generis, Fortunæ, Honoris Tui splendore, non potes nobis nisi PRIMÆ MAGNITVDINIS SIDVS aliquod, apparere, ILLVSTRIS-  
ME & REVERENDIS-  
SIME DO-  
MINE. Invidete nobis Majorum

Anni! retroacta invidete Sæcula! iam propinquâ aspici-  
mus tellure, in quod, fastidiosos olim, ipso procul Olympo  
vultus tollebamus. Iam ipsi nobiscum Superi permutant  
oculorum officia, dum quemadmodum nos nuper Cœlo il-  
lorum, sic ipsi nunc terris. Astra respecturi, defiguntur.  
Habemus quod in se æmulam huc illorum pupillam tra-  
hat; dum illis Theatra nostra tam insolitis Virtutum, O-  
riginis, Dignitatis suæ cumulatam fulgoribus Sidus exhi-  
bent. Omnia istud, Astra illorum, suâ confundit luce, ut  
nil illis, præ se, nisi solum illorum reliquisse numerum vi-  
deatur; cum tamen æstimentur rara non numerentur;  
& tantummodò illis rebus, quæ nisi multæ sint, carò non  
venduntur, numeri damnum impingamus; omnibus  
quoque aliis detrahare putemus, dum tam multæ esse potu-  
erunt, in nullam illarum, Artem vel Naturam exhau-  
stam; viles corniculas non Phœnicem, uno simul nido  
plures provenire. Aspiciunt ergo Superi terras, & suos  
huc oculos sentiunt provocatos, ut dubitare incipiamus,  
siam Empyreum minuerit, an solo nostro, non multum  
gloriæ adjectum sit, cum nos nunquam illuc nisi ad tan-  
tam omnium Siderum multitudinem, hoc est, velut to-  
tâ prius cœlestium luminum gazâ, in ipsam Cœlorum

A

fron-



frontem profusâ, arrigamur; nos habere SIDVS, quod ipsi Superûm spectaculo unum sufficit.

*Stemma  
Dioecesis  
Plocensis.  
D: Sigi-  
smundus.*

Nescio adhuc ERVDITISSIME ANTISTES, quid esse pronuntiem; DIVVM BVRGVNDIORVM PRINCIPEM SIGISMVNDVM in illustre PLOCENSIS DIOECESIS TVÆ STEMMA immigrâsse. Gaudere VRBS PLOCIA, in tuos consenti fastus; intelligis novâ Fortunæ tuæ lege indictam tibi superbiendi necessitatem; omnia hodie aliarum fora Urbium, omnia despicias mœnia, quia omnibus altior evasisti. Cogita Te non ingens accepisse culmen; non ego jam te opinor humili stare loco, sed ipso, quo Tua Te securius felicitas, quam suos Semiramis hortos appendit, summo defigi aere; atq; illic media, quæ Superi nobiscum habent, confinia insedisse. Sic enim ad Te recto pervenit, quo tramite, accitus è terris, nonnisi cœlo ibat SIGISMUNDVS. Credamus illum huc ad Te errore itineris deflexisse; sic verò agnosco qua se ad Te semita explicet, nimirum qua vel Tu, vel Superi adeuntur. Immo hœc collocata bivio es, ut si à Te, nonnisi ipsum ad Cœlum aberretur. Parce verò, si humo Tua revocem gaudia; quas non superemines Provincias! toto potior ampliorque es Principatu: Tibi Burgundiam liquit Sigismundus. In hoc cunctæ inter se, certâssent Vrbes, in hoc omnia vel armis vel supplicibus dimicâssent votis Regna, ut aliorum mereri invidiam dignum esset, cui, hic spretis aliis advenisset. Abstinete Cives injuriâ! nimirum hunc, quo degitis loco, Urbem appellare; cessa ignara vulgi consuetudo, hoc illum nomine, percontantibus de via, indicare; nego enim hîc tantum Urbem esse, ubi Regnum est Sigismundi. Si non se latius adhuc extendit, qui hæc simul capere duo potest; THRONVM SIGISMVNDI, & ZALVSCIANÆ SVBSELLIVM DIGNITATIS. Quare rursus assurge Tuo sortis huius fastigio VRBS FELICISSIMA! Tua ipsi procul inclama Olympo tripudia, quâ ex illo ad Te descendit Sigismundus. Quanti autem ZALVSCIANVM AGNVN semper

per ha  
Nund  
us iam  
se. V  
dum v  
se. Ip  
ornetu  
rus.  
pletion  
ab Ax  
quam  
firmo,  
etiam  
tus est  
seque  
abit  
turus  
Regia  
gali,  
ducâss  
LVSC  
longè  
deince  
ptri V  
ipsum  
ad Te  
OECE  
Fama  
cebra  
Cœli  
fim su  
pono.  
ME, n  
comm  
ment  
censer  
Tibi



per habeam? non de hoc ex omnibus Honoris Fortunæ  
 Nundinis sciscitabor; an non hoc satis est, pretium illi-  
 us iam terras nostras, iam ipsum etiam Orbem excessis-  
 se. Video enim, quanti remoto procul Cœlo æstimetur,  
 dum video ipsum pro illo huc Sigismundum demigrâs-  
 se. Ipso Rex ab Empyreo sibi Vellus illius poscit, quo  
 ornetur in Astra, pretiosum præ pectore decus gestatu-  
 rus. Adeo putet quicumq̃, hic apud vos non ipsâ locu-  
 pletiore Colchide Insulam Honori esse, ad quos, ipso  
 ab Axe, Cælesti Eridano navigatur. Neq̃ mihi quis-  
 quam illam ostendet Heroum Classẽ; amplius esse af-  
 firmo, pro hoc, unum isthuc venisse Sigismundum. An  
 etiam sic illi incidit, innocens illud, cum quo Orbis na-  
 tus est, restituere sæculum, quo Reges gregem in arva  
 sequebantur, Trabeati, pecoris rurisq̃ Coloni; ipse huc  
 abiit Pastoritiam ZALVSCIANO AGNO operam loca-  
 turus? Facilem hic se, illi finget in assveta imperia, quia  
 Regia; neq̃ enim ulli diutiùs insvevit voci, quam Re-  
 gali, quem IOANNIS III Regia tamdiu tenuit, ut e-  
 ducâsse videatur. Sed exclamare libet! Feliciorem ZA-  
 LVSCIANVM Iunoniâ pecude AGNVM, pro quo, hic,  
 longè vigilantior illo, Argus excubat. In quæ hic illum  
 deinceps Famæ pascua non adducet! in quam Regii Sce-  
 ptri Virgâ non impellet sylvam Titulorum! Æstima Te  
 ipsum PRÆSVL MODESTISSIME; Sigismundo illinc  
 ad Te commigrante, ipsi iam Cœlo Tua præfertur DI-  
 OECEsis. Quæ hæ Tuæ imperandi leges, in quarum  
 Famam ne huc ad Te vellet, frustra ipsâ Superûm ille-  
 cebræ cohibebant. Nuper (inquit) Burgundiæ, nunc  
 Cœli Sceptra pono; alterum exuo Diadema, ut huic pos-  
 sim subjacere. Isti subesse, plûs quam uni Regno ante-  
 pono. Dic Te igitur ANTISTES FORTVNATISSI-  
 ME, non Regium Pastorem, cui se Sigismundus regendû  
 committebat. Grande hoc Præsulei muneris Tui incre-  
 mentum, inter subjectas Tibi Oves, Regem quoque re-  
 censere. An non Tu verè dicere possis, hæc ex ipso  
 Tibi Olympo allapsâ, *habere Te Ovem, quæ non est ex hoc Ovili.* Scio



autem cur nemo præ hoc potius Te conveniat; non unus Te Rex huic inaugurat Dignitati, alter quoque Te ipso è Cœlo legit, ne soli in Te mortalium affectus & arbitria conspirarent. Quàm hoc insolitæ plenum gloriæ! quàm seros iturum ad Posteror! quàm totâ recitandum immortalitate, non Te hîc tantum, sed ipso ab Axe ad Dignitatem institutum esse; in cumulum à nobis Tibi congestorum, ipso etiam demissum à Cœlo calculum decidisse. Certè nulla hoc filebit Ætas, hoc omnes narrandum sibi Anni tradent subsequentes, hoc nulla auferet oblivio omnium memoriæ Sæculorum; cum Te sibi Plo-censis destinaret Infula, cum Te omnium illi fortirentur Vota, diu insolitum, nostros vultus, quos & animi sequebantur, spectaculum distractos tenuisse; scilicet Duo nobis, illud è Terris, è Cœlo alterum, conspecta simul Sceptra, quò hinc Te IOANNES III, illinc SIGISMUNDVS, pari nutu, poscenti sibi Tiaræ designabant. Ipse tunc Honor visus sibi in maiorem apud Te dignus assurgere fiduciam, quem Tibi gemini Reges commendassent. Benè est: accipe quod Tibi IOANNIS III, & Suffragia conferunt SIGISMUNDI. Sic non uni placere Regi meruisti; ne tamen dividam, quos nec Virtus, nec regnandi dirimunt arbitria, dicam Te uni Regi, cum dicam, Regi Sancto placuisse. Sed adhuc est, quod huic Tuæ gratuler felicitati, cui hodie Palatinam Honoris Viam ingressuro, pompam augebit Sigismundus. Nil iam de reliquo Tuo interrogabo satellitio; Sigismundum Tibi comitem nosco: satis est. Iactet insolentiùs, si adhuc lubet, Sesostris, quatuor remotis subactos oris Reges, suo Triumphali iunxisse Currui; plus est, unum Te hunc ipso ex Cœlo in Tui Triumpho Honoris deduxisse. Atq; iam, ut Vos pari infertis passu! ut non dignoscendus alter ex altero adestis! nisi nos de Te, Tiara Antistitis, de illo Regia edoceret Corona, quàm pulcher nos diutissimè luderet error! falleretq; volentes falli, nec Te Alterum esse persuaderi sibi sinentes, etiam cum iam persuasum est. Idem utriq; Animus, totâ se facie in eandem

dem e  
consul  
te, cu  
Probit  
facerr  
re Dia  
discer  
ret, Il  
pro il  
Adeo  
Vestri  
smun  
vocat  
minor  
verò p  
exime  
cerat  
bebat  
Hono  
remo  
Rege  
quidp  
quoti  
illa pa  
aliqu  
cam?  
GISM  
quo a  
nire  
cum  
Te c  
rum  
statio  
ni, a  
cumf  
no in  
hælu



dem explicans majestatem; idem, cum illa natus, non  
consulens sibi de gravitate incessus; idem parique vastita-  
te, curis accipiendis eminens Pectus; toto Corpore suis  
Probitas lineamentis infusa; ut quoque ille coactus sit, hæc  
facerrima Dignitatis Tuæ solennia, non deposito celebra-  
re Diademate, ut, cum aliunde non possimus, Te ex isto  
discernamus. Certè si Tu Coronam, Ille Infulam fume-  
ret, Ille ZALVSCIUS, Tu esses SIGISMUNDVS; Teque  
pro illo, Coelis venturo, illum Astra putarent rediisse.  
Adeo cum nullum inter Vos sit, solum discrimen penes  
Vestram remansit insignia Dignitatis. Sed cum Sigi-  
smundum deseruisse Polos, adventasse Terris aspicio, re-  
vocat sibi animus deductos olim Stellæ Reges, (quod  
minor fax in tam longinquum iter non suffecisset;) hanc  
verò purior lux, maiorque splendor illi Astrorum populo  
eximebat; tota, in illam miraculo genitam Natura defe-  
cerat, nilque illa huic præter solam sui admirationem de-  
bebat. Quod ergo Te quamque Prodigiousum Infulati  
Honoris Zodiaco Sidus proclamabo! sic enim Tu non ex  
remoto tantum Oriente, sed ex ipso supremo huc Cælo,  
Regem hunc adduxisti. Empedocles olim tam cupidus  
quidpiam videre, quam etiam cupere indignus, magnis  
quotidie votis conducebat Mortem, pessimo quoque cum  
illa paciscens sui exitu, si illuc abire permetteretur, ubi  
aliquod ex Cælestibus Astris è vicino posset intueri. Di-  
cam: Te nobis hinc Fulgidissimi Sideris instar exorto, SI-  
GISMUNDVM, sanctius atque illum, huc Tui è propin-  
quo aspiciendi desiderio, exarsisse. Datumque illi est ve-  
nire propius, descendere, haurire lucem, & comparare  
cum illa, quam in tot Astris despexerat, per illorum ad  
Te confinia exeundo. Frustra estis! (dicebat iam Astro-  
rum iter ingressus, dum cuncta sibi adversis emicantia  
stationibus cerneret) frustra estis! non huc ulli vestrum ve-  
ni, alicui alteri longius eo. Atque (cum omnia illi cir-  
cumfunderentur,) frustra Te mihi Pulcherrimum sed u-  
no inferius illo Agmen monstras; non hinc ulli Vestrum  
hæsurus; quam amœnius illo ridet humus! illi ibo, se-



quarq̃ non solis desideriis, adero; dum nullum horum omnium, sed illud Vnum, plenam meis oculis aspiciendo satietatem pollicetur. Auditis hoc Superi? nec utiq̃ vobis temeraria jactamus, iam effulsisse terris, in quod ipso migratur ab Axe, raram in tanto SIDERE nostro spectaculi gratiam, q̃valem in nullo omnibus Astrorum regionibus, reperturo.

Atq̃ ut huc Tua se referat Panegyris, unde nostra cæpit felicitas; necdum nobis blandiri satis possumus, cum aliquando iam nasciturum prospiceremus, eò obfirmatam in horas omnes tenuisse sollicitudinem, ne nos falleret momentum illud, quò Tibi primis suscipiendo amplexibus parabamur. Itaq̃ dum in hoc quotidie demeremur Superos, Templâ sacrificiis, sacrificia votis cumulamur, dumq̃ in ipso, Numinis Sacrario, inter Altaria Divorumq̃ Imagines, promissum Cælo Pignus præstolamur tunc planè cum instituto pro Te libamine, Sacra sublimè attolleretur Hostia, prospero emissus partu ad fuisti. O Te INFANTEM FELICISSIMUM? quem unquam par nascentem Fortuna excepit? quem in ipso mundi limine, paria salutationis officia occuparunt! Quamvis singula memorare nolim, an non ita de cunctis abundè insinuem? Te ingredientem Terras, statim [quasi nec differri tanta de Te posset lætitia, nec minor esse deberet,] statim inquam ab omnibus, ipso cum Numine salutatum. Vtiq̃, vix Tu adesse, cum idem Tibi, quod tunc Supremo DEO Æs pulsari Campanum, ijdem per Aras Tibi huc deducendo ignes collucere. Vix non horrore quodam suscepta de Te nobis gaudia excussisti, nil minus Tibi Tuo in adventu, quam illi ipsi exhibentibus. Fecisti quoq̃ trepidam Pietatem nostram, ne cum illi fursum porrecto, nostri se vultus humo sternerent, Tibi, quodam sacrilegio, Ipsius usurpare cultum, videretur. Intellexit tamen subito, seq̃ ipsam sui apud se suspitione absolvit piaculi, nimirum, illum eundem, hoc sanxisse tempus, ut aliquando sui tecum in terras ingres-

Sub eleva-  
sione Ho-  
stia in Sa-  
cro, quod  
pro illo fe-  
liciter na-  
scituro ha-  
beatur, in  
lucē editus.

sûs,

sûs ho  
mul oc  
tæ sibi  
Nostra  
Orbita  
jorq̃ af  
gem e  
pudial  
incalen  
bero v  
nandi  
toto,  
frat ip  
rum!  
illius  
ipfas e  
gere fl  
iple no  
destin  
nunc  
Deus  
rate  
Sub il  
messis  
sub q  
res at  
datur  
tur. N  
lium  
debu  
Super  
Te na  
est, o  
futur  
nu, u  
provo  
ubi q̃



suis honorem partiretur. Certè si a nobis sibi Tibique simul occurri vellet, cum non decerneret eadem, destinata sibi salutationis officia saltem dividebat. At verò neque Nostra ex Te Fortuna altius, quam illa Cælestis Mysterij Orbita eluctari poterat; nec animis omnium lætior majorque affulgere dies, quam Eucharistico Sole suam in augem elevato. Quæ non tunc omnibus de Te fervere tripudia! quò non, felicia quæquæ ominandi æstu, mentes incallescere! Non uni hanc excidisse vocem audivimus: libero vos Aruspices Auguresque onere grandia de illo vaticinandi! altior Nobis de illo fides ingesta est; Deus ita se toto, nil non in illo sublime pollicetur. Tantum [monstrat ipse ab alto] tantum Orthodoxæ Ecclesiæ inferet Virum! tantum Aris Præsulem exhibebit! Immo jam nunc illius documentum magnitudinis accipite; tam procul ipsas etiam excrevit Aras! jam illuc supra has suam pertingere staturâ, Albo hoc à Numine Calculo adnotatur. Deus ipse nobis indicat, nonnisi ad præcella, ipsis ex cunis à se destinari. Quod ille deinde fastigium non adibit, iam nunc sibi viam in altum præmonstratâ! Immo cum hunc Deus illius sublimitati Candidum addidit Calculum, sperate futurum, nonnisi **EMINENTISSIMUM**. Sub illo deinde, ut non fertilior nobis quam sub Saturno messis inferetur! quam non ipse nobis famem eximet, sub quo vix nato, ita statim in sublime Divina Ceres assurrexit! Sperate; cuncta in terris admiranda daturum, qui sine Altissimo Mysterio neque nascebatur. Ne adhuc aliquod huic omnium Compendio Mirabilium deesset, hoc illi Vnicum Virtutum Prodigium addi debuit. Nos quoque hinc iam assequeremur Tuorum in Superos meritorum auspicia; scilicet istud, quod nunc Te nascente evenisset, semper deinde præstiturum, hoc est, omnem vitam Tuam reliquam, perpetuam Numinis futuram Elevationem. In hoc utraque allaboraturum manu, ut Deus ipse. Dei atque Ecclesiæ Gloria semper altius provehatur; per Te Fidem Orthodoxam quotidie novum ubique æstimationis suæ culmen accepturam. Atque iam



Tibi quodammodò, Deus ab alto, suorum Atlanti Mysteriorum, omnia simul, cum Orbe Eucharistico imponebat; quòd nemo, illa, Te uno securiùs, ne ulli deprimerentur, sustineret; vel quòd nullus, ad invidiam Hæreseos sublimiùs promoveret. Sic etiam, velut quod promitteretur, iam evenisset, iam tunc quòdam velut exultantis gestu, Sacramentum Maximum sua ab Ara in altum elevari. Verumtamen quàm hæc festinata erga Te Numinis ipsius officia! haud credebamus, Te, quæ misera omnibus nascendi fors est, Filium Iræ in lucem prodiisse, qui ad illas tunc quodammodò vocabaris Angelorum Delicias, quæ nulli hominum, sine Dei amicitia adeuntur. Iam reconciliatum Tibi suspicabamur Numen, cum Te ad Mensam suam, & Convivium invitaret. Velut ipsa Tibi Nutrix Gratia colluderet, quòd ab alto, Tibi, monstrato Pane Dulcissimo, Tuos illi gustus irritabat. Sic est; nil nos ex his Tuæ argumentis Innocentiæ, de Te, iam tunc quale de alijs, animo inducebamus; nisi Tu, Te attulisse Tecum quidpiam, quod lugeri dignum est, non tenendo ploratum, prodidisses; non exile verò aliquid illud, quod tantis nec eluere, nec ullis, quamvis fleres assiduò, posses lachrymis deprecari. Attamen, o insolita Tui, ipso tunc a Numine tutamenta! si quid contra Te primævæ reum noxæ minaretur cælum, Ipse, Te, suo elevato in altum Eucharistico Clypeo protegebat; illud Tibi iratum, Se Ipso porrecta placabat in Hostia. Sic Tibi cum offendi cogeretur, illum testabatur amorem, ut quocq, ne tunc Tu plectereris, pro Te voluerit immolari. Ipse, ne quidpiam in Te, cum tam criminis primogenij, quàm infantia nexibus adstrictus resistere non posses, admittere auderent, adversas depellebat àère potestates. Tollebatur in altum, ipsas Tibi in primos anhelitus Tuos, auras consecrando. Assurgebat, quasi innocentissimis lachrymis habitâ reverentiâ, omnia, quæ istis, cum non posses aliter, exposceres, ex sublimiori loco excepturus. Illinc, quod Tuas stuparet Cunas, Vigil Cælestium Geniorum Agmen evocabat. Ascendebat, ex Supremo Cælorum Gazophi-

zophi-  
ne re-  
suum  
Ipse, T  
mirab  
mune  
ternis  
ipsum  
elatur  
se illu  
Tuo n  
netral  
SIDV  
modo  
simæ  
gebat  
SIDV  
rat ni  
obscu  
men i  
bebat  
relic  
ferrer  
plura  
sit, ut  
totum  
vis ge  
æstate  
nos ta  
biam e  
mus.  
largè i  
ximar  
viscera  
illuxi  
omnia C  
ctum,



zophilaciotelaturus, quod Tibi solenni genethliorum munere, dedicaret. Omnibus proponebat Cœlitibus, quis, suum Tibi impositurus nomen, Tui patrociniâ fortiretur. Ipse, Te terris collato, assurgens velut donum insolitum mirabatur. Abcedebat humo, isto à se dato, insignem munere diem, supremâ Olympi parte, aut Te ipsum, æternis Electorum Codicibus inscripturus. Sed dicam: ipsum ab Ara surgens Numen, & supra Flaminis caput elatum, Te, in toto præsentium agmine vestigabat; atq; se illius eripiebat dexterâ, quod jam non ipso Altari sed Tuo mallet Corde, Tuosq; Sacerrimo reponi Pectoris penetrali. Dicam veriùs: jam jam Te, natum in terris SIDVS, in illam cœlorum evocabat lacteam; non quomodocunq; cupiebat, sed ipsi Zodiaco, hoc est splendidissimæ Astrorum Fasciæ involutum. Verbo: illuc porrigebatur, Te nostro elatum solo, Primæ Magnitudinis SIDVS, summo super Axe, defixurus. Et jam præstiterat nisi illius interesset, inter tam profanas ubiq; umbras, obscuram sæculi pietatem, à Te illustrari. Interim tamen illuc elevabatur, propiusq; veniens, cedere Tibi jubebat stellas, quod Tu, nisi illis viciniùs sibi stipatis, atq; relicto Tibi à pluribus spatio, nunquam totus Olympo inferreris. Sed timeo vobis Stellæ Astraq; ne aliquando plura vestrûm extingui, aut ipso deturbari Axe necessum sit, ut hoc SIDVS nostrum, parem illic sibi, quo collocari totum possit, locum nanciscatur. Iam Terra, quamvis gelidâ hyeme ipsaq; inter nives, ceu mediâ ridere æstate, nos in gratulationem sibi partûs insoliti, urgere; nos tamen diu resistere, continuò suæ illi lætitiæ superbiam elidere, quod nunquam Te illi acceptum referremus. Potuisse quidem illam (ajebamus) sub Aquario largè irrigatam, grandium unionum, gemmarumq; maximarum, sed non tanti SIDERIS, fecunda accipere viscera. Ergo cum hîc nobis sereno Auroræ crepusculo illuxisses, putabamus, postquâ hæc Soli appropinquanti omnia Olympo submovisset Astra, Te unum ex illis relictum, quod nec ipsius Phœbi luce vincereris. Aut certè

Natus Ianuario Mē.  
se die 17 sub  
Auroram



quoties nobis in fasciis monstrabaris, opinabamur ipsum  
Ianuarii Sidus, cælestem Ganymedem, se illis involvisse,  
nisi Te intuentes, talem fateri cogeremur, qualem nec  
fabulæ fingere potuerunt. Ita Tu

*a. Infans, corusco Sidere pulchrior.*

& jam tunc quidpiam præ aliis magnum, quia ZALVSCI-  
ANVM effulgere.

Infitus mortalibus error, nullum putare Genus ma-  
gnum, nisi antiquum; vetusta laudant; quisq; nesciri de  
se, quando cæperit, iactat; hoc primum inter sua memo-  
rat, non posse omnia memorari. Cuncti celebrant, fuisse  
cùm adhuc Fama esset muta, antequam nasceretur ip-  
se Rumor; cùm non esset, à quo possent celebrari; exti-  
tisse ante Fastos, prævenisse Annales; vixisse, cum agere-  
tur historia, non scriberetur. Proferuntur ante heri na-  
tum nepotem codices, innumeris, velut sacri, involveris  
abdit, & quasi Numen exhibitori, lentè, quâdam tra-  
ctantium Religione explicantur, & ecce in his alicuius  
ante Inachum character, priscam Gentem, & antiquio-  
ra sæculis nomina adnotavit; multa pulvis obruit, non  
pauca tineis erosa, illa tamen parvo Ascanio, quæ vix  
jam leguntur dimidia, ostenduntur integris potiora.  
At verò ô grande cognomentum, quia pridem Annali-  
bus adscriptum! quod, si nondum Vetustas & Tempus ipsis  
cum paginis discerpserunt, totum hodie aliquot pulvi-  
sculi tegunt. O ingentem titulum quia antiquum! qui  
tot sui partes, in exigui vermis dente requirit; nunquã  
breviùs tenui in acu, quàm ab isto periisset. Fateare  
tinea! Te illi pepercisse; si adhuc semel terebrare volu-  
isses, nil jam illius superesset; totus jaceret illo vulnere,  
quod vix aspici potest; atq; illo, quã Te exeuntem diffi-  
culter transmisit, cecidisset angusto aditu fossuræ, subter  
quam immensum oblivionis barathrum est. At Tu  
PRÆSVL Sapientissime, non tantùm illa judicas attol-  
lenda, quæ diu jacent; scis suum esse auro pretium, eti-  
am quod hodie effoditur; bonam esse etiam Gentis line-

am,



am, etsi ostendi possit, ubi dum incipit, desinit. Hæc tamen non ideo afferimus, quasi quæ in Tuis sunt laudabilia, tantum sint hodierna; ultra Annos estis ZALVSCII, non mensibus tantum & diebus, sed ævo quodam Nomen istud consenuit. Habemus illud in antiquissimis voluminibus non tamen id hodie coram Te in illis quærimus, quia nusquam pulchrius, quam ex Te legi potest. Neque etiam sepulchra magnorum pulsabo Quiritium; non frigidus in solem educam è tumulis manes, non Te stipare jubebo, ut inter illos, jam ipso fato suo diminutos, grandior aspiciaris. Immo quanquam illos suæ, etiam à morte, relictos magnitudini, tuetur Virtus, non tamen, in hoc, Tibi sepulchris adesse imperabo; Te si statuam solū, magnus es. Cùm & Cedrus & si non inter plures, alta sit; nec mons quicumque, unus campo decrescat; singulæ etiam possint ædificari tures; immo illa sint maxima, quæ ut talia fateamur esse, haud egent cum aliis prius comparari. Et Tu, cerre emortuam laudem putas, quæ tantum è sepulchro venit. Rides, qui laudari non possunt, nisi aliquo ipsorum laudantium miraculo, hoc est, nisi ab his, sui illis Antecessores è tumulo suscitentur. Tua his Apotheosis non eget; statim creditur Tuorum, quia tam insolita, prodigiis operum, ut illis, cælo inferri & recenseri inter Astra merearis. Ergo neque Tibi Tuorum effigies Majorum exhibebo; scis maximos esse & si non pingerentur; immo infantibus simillimos putas, qui nimium afficiuntur imaginibus, etiam Antecessorum suorum. Sed affundamne tamen calamo Sanguinem, nec fontem illius propinabo? Quis quantusque ILLVSTRISSIMVS PROGENITOR TVVS? huius nisi meminero, tam magnum admittam flagitium, quam magnum est Nomen ALEXANDRI. Tacebo tamen Virtutes illius, quarum hodie, plerique mortalium vix nomen retinet, cùm illum Cœlites, in istud velut, nostro destinarent sæculo ut Virtutes aliorum animis exclusæ, leuius id ferant, cùm uno illius omnes conquiescant.



Vir in tan-  
tū laudā-  
dus, in quā-  
tū intel-  
ligi Virtus  
potest.  
C. Vell.  
Pat. l. 1.

Illi amor boni Publici, qualē Cato, moderatio qualē Curi-  
us & Camillus, Religio Pietas, qualē Numa, prae se, illi  
potiorem esse faterentur; ipsi quoque suum post funus plo-  
rarent, istum sibi non praesuisse, ne illis exempla defuis-  
sent. Vnam illis addam Iustitiam, quae ILLVSTRIS-  
SIME DOMINE, TE IVDICE visa est, rediisse in ter-  
ras, quod nulli posset tutius, ē propriis gladium suum,  
quā in manus ipsius conferre Alexandri. Vidimus  
vidimus, nullum Tibi, intricati juris Gordium etiam oc-  
currisse nodum, quem non statim illo explicares. Ita  
illum quoque fortiter tenuisti, ut nullae eripere Tibi, potu-  
erint integras quantumvis phalanges Vitorum. Quan-  
quam Tu illum tantum efferre, cum omnia statim Cri-  
mina pallere, abscondi, imò, quod se tuta non putarent  
semel fulgore illius perstricta, ultra Thulen, vel remotam  
elabi in Persiam; si tamen hic se quoque secuta Te Iudice  
credebant, ex qua etiam Darium pepulit Alexander. Er-  
go tunc communia Tibi & Iustitiae vidimus arma; aut si  
illa suum Tuo permutarat ensē, tamen discernere non  
poteramus, an unus esset, quamquam duos videremus.  
Sed gaudemus posterī, tot mundi saeculorum fortunam  
hac unā vincentes; tunc enim, quorum singula, divisae  
nonnisi & infinitis sepositae annis aetates Orbi exhibebant,  
nos simul, Par Praestantissimum, eodemque in terris, tem-  
pore; IUSTITIAM & ALEXANDRVM aspeximus.  
Quid quoque Magna illa TVA PROGENITRIX, Magni  
Germana Primatis CATHARINA OLSZOVIA in Te  
non magnum primumque protulisset! Non illa utique suo  
abluit Nomine; nisi quod dum & altero, pauperum For-  
tuna tam verè erat, quam vocabatur, integrā ringi cum  
rota meretur, cum se tot ab illa in eos beneficia, citius  
quā dare rogaretur, evolvebant. Dicam, habuisse su-  
pra Catharinae cognomentum, quod illi, primum ante  
mortem, huic tota in vita lac affluebat, quale in mores  
suos niveos vel ex Caeli lactea, vel in egenos ex ipsius Mu-  
nificentiae uberibus derivarat. Addo nihil Romana Pie-  
tate minus in illa admirandum; non semel & ipsum Ma-

a. Filia matri in carcere, cum alium inferre cibum non posset, ubera praeuit. Val: Max. tremi

trem f  
est, do  
ita tot  
ta Ty  
exfuge  
tafa,  
ipsis a  
tis, qu  
eos te  
sinistre  
ferretu  
re. Q  
vam e  
uno ci  
Virgin  
efferre  
tà obi  
Se  
Nobili  
ginqu  
sequan  
hodie  
cit! qu  
titudo

\*\*\*

non u



trem suam Ecclesiam, Optima Filia suo aluit lacte, hoc est, dote suâ non semel ditavit, ornavit; & cum hanc ita totam illius profunderet egestati, adhuc ipsum len- tæ Tyrannidi suum optabat pro illa cruorem omnem exfugendum. Mediâ hyeme obierat; vel ut telluris per- tæsa, nivium viâ, citiùs in Cœlum perveniret; vel ne in ipsis arboribus aspicere cogeretur similitudinem nudita- tis, quâ nil minus in egenis, ubicunq; illi occurrissent eos tegendo toleraverat. Ipso Mense Decembri; ut præ sinistro illo <sup>a</sup> Hædo, ZALVSCIANA OVIS Olympo in- ferretur; quod plûs quàm semel meruerat illic radia- re. Quàm verò ubique Sanctimonix illius insistens, Di- vam etiam in morte affecuta Catharinam! ut vix hanc uno citiùs <sup>b</sup> Mense in Cœlum illius rota præveniret. Die Virginis sine labe Conceptæ; quod nullam hinc secum efferret maculam, & ipsas tunc brumæ nives, illibato iux- tã obitu ac vitâ suâ superaret.

Sed an non ingrediar quod se mihi ingens Avitæ Nobilitatis pandit Atrium? Equidem reverentiæ è lon- ginq, profanum pedem, limen Sacrum admonet, sed sequar Generis Vestri Gloriam, mihi ut semel intrem hodie annuentem. Vt per varias Stemmatum effigies du- cit! quibus colorem Sudor, Sanguis miscuit; Mars, For- titudo, gladii pinxit penicillo.



## C R V C E S O L S Z O V I O R V M

Vides,

Tam semper præclarè se gesserant;  
ne Numina crederentur,  
non unum in Domo illorum <sup>c</sup> SIGNVM HOMINIS poni debuit.

Quàm quoque hæc Imperatoriâ sorte major!  
Cum vix una remoto è Cœlo se monstrat Constantino,  
Hos etiam gemina Crux tam propè est;  
ut familiares Religioni scias.

D.

Vt

PRVS 2do,  
seu Semige-  
mina CRUX  
supra duas  
avulsas ma-  
nubrio FAL-  
CES.

<sup>a</sup> Decembre, Capet in Zodiaco. <sup>b</sup> nam in Novemb. festa illius dies.

<sup>c</sup> Cum apparuerit signum Hominis id est, Crux. March.



Ut grandem semper de hoste referebant Victoriā  
 cui, illis prænuntiandæ, satis una Crux non erat.  
 Quid istorum Nobilitate felicius!  
 quod, in Mortem DEVS ipse, ferendum sibi Decus distulit,  
 his cum vita confert.  
 Ad Triumphos, humanis majores, progenitis.  
 DEI ipsius, Trophœa proponuntur.  
 Discunt è Cunis, Poloni Orbis redemptionem.  
 Gemina Crux, utriusque Poloniæ Redemptoribus;  
 nam & illi toties Libertatem Nostram asseruerunt sanguine.  
 Ne non citò se multis pro Republica sustinendis devoveant malis;  
 vix nati, duplicem Crucem amplectuntur.  
 Aliis unam pro Patria detrectantibus,  
 hi sibi geminari petunt.  
 Hinc etiam est quod alteram infra dimidiatam aspicias;  
 quod continud illis portantibus, attrita ita non parum decessit.  
 Vltrò, ad illos Divinum festinat Decus;  
 Cum illis aliquando una ex Astris Crux offerretur.  
 retineri non potuit altera,  
 ne, quamvis parte suâ abreptâ, ad illos properaret.  
 Aut si utraque data illis integra  
 tam se adamato illorum lacerto altè imprimens,  
 extrahi non admittit;  
 ut a Seleuco felicius  
 suo ANCHORAM SALVTIS circumferrent in brachio!  
 Superior, alteri invidens Cruci, quod hæc sola incumberet,  
 frangendam optavit,  
 ut & illa deorsum se, attingendo promoveret humero.  
 Attamen, gaude Polonia!  
 Hortum Libertatis Tuæ, Paradisum puta  
 cum in illo LIGNVM VITÆ est.  
 Ipsi etiam OLSZOVII gaudete!  
 huic Geminæ Cruci, ne unquam recedant à Vobis  
 Virtus & Honor affixi sunt.  
 O Viros PRVDENTISSIMOS!  
 Vnicuique plus quam b. MVNDI IVDICIVM est.  
 Quid non eruditionis decerpant  
 ex geminata SCIENTIÆ ARBORE!  
 O illos de Superis bene meritissimos!  
 Quibus duplex COELI CLAVIS concessa,  
 ut seu ab Oriente seu Occidente veniant,  
 illud sibi possint referare,  
 Dum, verò, etiam aliis toties illud recludunt,  
 iam unam longus beneficentiæ fregit usus.  
 Vos soli timete Turcæ!  
 apud Istos est, quod Vos non semel cruciat.  
 Habetis hic quod Vobis, cum Romanis vereamini c. canibus.  
 Iterum trepidate Odrysi!  
 Si harum alteram, Rhedope, alteram vestro Caucaaso  
 defigant Crucem  
 utrobique, funerum vestrorum Golgotha erit.  
 An, sic ipsis gemina hæc OLSZOVIIIS, statuta est?  
 Nempe ituris Cœlo tantâ

a Natus, cum expressa, in humero, Anchora. b. Christus instante Cruce: Nunc est iudicium  
 mundi. Ioan. c quos Roma quot annis cruce addicebat, quod latratu, non prodidissent,  
 Senones Capitolium noctu invadentes,



tantâ virtutum gravitate ferendis  
 bina illis SCA LA poni debuit.  
 An immolari pro Patria paratos  
 una Crucis Ara totos non capit!  
 quadrifariam strui debuit,  
 non quidem quot Centimanus;  
 sed quot ad præclare quatuor in Mundi partibus agenda sufficiunt;  
 totidem manus habentibus.  
 Quod vero & GEMINAS FALCES vides;  
 plures hinc quam unum Saturnum,  
 plura quam unum Aureum Sæculum cogita.  
 In tanta hinc meritorum continua serenitate  
 perpetua Æstas nihil in mensem præstolatur.  
 Omnia statim Augusta  
 Omnia matura falci.  
 Tanta hinc semper Patriæ emolumentorum messis;  
 ut falx una non sufficiat.  
 Plurimis pro Patria exatlandis laboribus addicti,  
 unâ nunquam contenti  
 singuli in Martis, Virtutis, Gloriæ Campo  
 duabus simul falcibus laborabant.  
 Nunquam ad uberem palmarum messem tardi adferant;  
 Cum falces sine manubrio sint  
 adeo in Triumphale opus festinabant;  
 ut illud ferro suo conferere obliviscerentur.  
 Quod illorum manibus tantum longus labor callum induxerat;  
 nihil, quamvis istud ipsâ prehenderent acie, sentiebant.  
 Vnde hæc illis obtigerint Falces, quæris?  
 Puta non unum olim Curium Dictatoremque Camillum  
 cum post bella, suo hoc a Triumphales Viri rusticarentur agro;  
 atque iterum in hostem vocarentur  
 hinc illas reliquisse.  
 Si non & Martis sunt;  
 qui cum per limites Patriæ tantâ Civium strage falcato provehitur curru  
 hi falcibus illi adeptis innocentius vehi docuerunt.  
 Plaudite Vobis OLSZOVI!  
 Ne timeatis Libitinam, gemina Vobis contra unam illius, Falx est.  
 Si & Tempus illi accedat suam contra vos vibraturæ,  
 totidem vobis sunt, quibus contra utrumque dimicetis.  
 Si non hæc gemina vobis, quia utrique istorum, recepta est?  
 Aut quod cum Tempore, incrementis meritorum paciscamini,  
 illa vobis adversa exierat;  
 video, quid apud vos amisit;  
 unâ Morti excussâ,  
 cum alteram instaurando attulit duello  
 utramque illi Falcem rapuistis,  
 hoc est, quod, utroque sævit in Orbe, hinc Telum perdidit,  
 iam & omni avulstis manubrio,  
 ne sævo usui resumat.  
 Vobis suo Bellona ex Armamentario istas porrexit.  
 Ut hisceu fenum agreste Turcarum procumbebant Capita!  
 Nullus vobis herbam porrexit hostis;  
 antequam suas humo manus tenderet,



has quoque cum illis metebatis.  
 Cum verò Falcibus Cruces superponuntur;  
 supra omnia, quæ pleno Fortunæ inferunt horreo  
 Pietatem volunt eminere.  
 Ne inermis sit Religio,  
 gemino illam obarmant ferro:  
 Porrexerunt illi falces,  
 quibus, quâ incedat, utrinque omne contrarium germen subsecet:  
 Cum demum pars Cruci decussa,  
 quisquis fuerit, cuius hoc impia patravit dextera,  
 hi injuriam non ferentes  
 gemino ulciscabantur ferro.  
 Tandiu autem vindicasse puta,  
 donec Falcibus manubria vel adverso ictu excussa,  
 vel illis Zelo totis flagrantibus, ipso ardore etiam manuum deflagrârunt.  
 Dixeris tamen, mutilâ Cruce, Falces quoque suas truncatas;  
 Omne illis, si quod Religio patitur, aliud leve detrimentum est.  
 Sponte Falcibus abriperunt manubria;  
 ne quidpiam hæ haberent,  
 quo videri possent mutilatâ Cruce altiores.  
 Gloriare tamen Religio, damno Decoris tui sarcito!  
 non ullæ tuam Geminam CRUCEM gemmæ  
 pretiosius, quam hoc additum illis SIVS, adornaret.  
 Quodsi aliquando Orbe finiando  
 unâ Cruce omnia, obscurabuntur Astra;  
 quis huius splendor Sideris  
 si, ad binas quoque, micat clarius!  
 Quàm hîc Tibi adhuc PRINCIPIS OLSZOVII lineâ,  
 & à Cruce regnantibus meritis, laudum deducerem Fa-  
 miliam! quos, geminâ hac sub FALCE Gloriæ mani-  
 pulos illigarem? Tanta hîc virtutum ubertas semper  
 fuerat, in quam Profana suam, Sacra alteram Dignitas  
 falcem immitebat. Sed cogor in alia.

STARZA  
 seu ASCIA, in hac  
 ferramento  
 Argentei  
 coloris, in  
 quo etiam  
 Luna me-  
 dia manu-  
 bris aureo.

Præ qua ASCIAM cernis,  
 in hac Domus magnæ Artifices Gloriæ & Nostræ Fabros Fortunæ cogita!  
 STARZA appellatur;  
 Totam in nomine Antiquitatem circumfert.  
 Si tantum de illa innuas, tota Tibi recurrit Vetustas.  
 Sic tamen hoc illi Nomen adhæsit,  
 quod non nunc primum in Patriæ commoda laboravit.  
 Nullum Sarmatiæ, istò, antiquius laudis suæ Instrumentum.  
 Hæc in Premislai Sylva, arbores decisis frondibus,  
 ferendis in hostem armis aptavit.  
 Si non & altius sui senium cognomenti repetendum est,  
 Aureo cum sit Manubrio  
 adhuc illud aureo meruerat sæculo.  
 Aut certè jam illo extiterat,  
 quo, Midas quidquid attingeret, auro mutabatur.  
 Cum Libertati, auream, qualis ipsa est, laborasset Ædem,  
 residuum, pro ligneo, illius pretioso impensum manubrio est.

LVNA

a Tunc apparebit signum Filii hominis. &c. Sol. obscurabitur, Stella &c. Matth.



LVNA illi impressa fulget;  
 Iam Arcadum Temporibus fuerat;  
 aut ipsa capit cum Luna.  
 Contra Romanos decertans,  
 omnibus acie succisis,  
 alicui illorum detracta pedi \* Lunula  
 in Nobilissimi memoriam triumphi,  
 in illa collocata est.  
 Aut si dixeris hanc esse  
 quæ olim Iovis Capite eduxit Palladem;  
 nulla veriùs STARZA vocabitur.  
 Vtique adhuc in Minervæ natali,  
 quâ, aureo illius imbre permaduerat,  
 hæc sui parte, illius colorem servat.  
 Cum jam opere exacto, illi in cœlo usus non esset;  
 Istis illam Vulcanus statim Olympo extulit.  
 Postquam huic gestata, & Iovis extracta vertice,  
 non debuerat, nisi ab his,  
 qui etiam quædam terrarum Numina sunt, asservari.  
 ut verò hos Deorum esse Cœlestium Consanguineos testaretur,  
 cum ipso illam Iovis sanguine porrexit.  
 Hactenus unam aspicias;  
 altera hucusque talis nullâ officinâ exiit.  
 Inimitabilis Deorum labor,  
 et quidam in terris omnium Instrumentorum Phænix est.  
 Quereris? nulli colligatam Lauro,  
 omnes, ex illa ipsa, noscuntur triumphi.  
 Hos si tamen scire cupis,  
 aspice! circumquaque integrum Lauri nemus jacet;  
 quod, una succidit.  
 Hactenus assiduò illam,  
 vel Iustitia in reorum, vel Mars in hostium jugulos vibrat;  
 dum ita semper ingloriosi operis motu est,  
 nil adhuc illi circumligari potuit.  
 Quanquam summum illa suum ornamentum putat  
 nunquam præclaro vacare labori.  
 Securis hæc, Reipublicæ securitas est.  
 Cum contra nos Othomanica Luna sua adigeret cornua,  
 hæc ita pro nobis \* assurgens,  
 hæc in se ruentem parte accepit.  
 Quanto verò, illa in nos admittebat impetu  
 si ferro infixâ necdum extraxit!  
 Hæc sola toties Ascia  
 totam excidit barbariam.  
 Aut feretrum Turciæ struxit  
 supremo funere ab Orbe efferendæ.  
 Nunquam hæcenus præcidendis Barbarorum cervicibus hebetatur!  
 Quisquis Turcarum es qui istud non credis!  
 adsit Vesyrus, & ipse veniat Amurathes probaturus aciem,  
 integros adducat exercitus;  
 absque inertî Caligulæ voto omnibus unam cervicem optantis,  
 hæc, singulis sufficiet jugulis singulorum amputandis.  
 En quoque infixam illi dimidiam Lunam;  
 E

a Romani signum Nobilitatis Lunulas ferebant in ocreis.

\* cum stet  
erecta.

nimi-



nimirum nulla hæc altius pertingit,  
 Threïcium Astrum in ipso secuit plenilunio :  
 valido illi impacta ictu, Luna Turcica, non ipsa dimidiata est :  
 Quodsi tamen acie remittere putes,  
 ipsa illam Victoria totâ Carpathi rupe acuit ;  
 vel Fama perpetuæ laudis cote subigit.  
 Audi jam : cui auro refectum est manubrium,  
 hæc Ascia, Tenedi a. Regibus pro Sceptro gestari debebat.  
 Adde : cum in illa Luna effulgeat,  
 quoties Cœleste Capitolium, cum Diis consultaturus adit Iupiter  
 ipsa illi inter Astra præferri posset,  
 Sed cum STARZA Nomen habeat  
 perpetuo victoriosi laboris usu consensit.  
 Audite omnes Polonorum Officinæ Cyclopum !  
 STARZÆ, hoc est vetustissimæ debetis venerationem,  
 Vel certè ab hoc sene Instrumento,  
 omne imbellæ Lechicæ Iuventutis ferrum  
 discæ ferire ; discæ Turcicæ resecare colla.  
 Adhuc : quisquis hanc mediam aspiciis Lunam,  
 semper hic illustrem meritorum cogita plenitudinem ;  
 sed quantum hoc SIDVS nostrum  
 quod fulgore suo, tantam illius partem intercepit A  
 Vel si Cynthiam omnes cingunt Stellæ  
 sui luminis securam ;  
 quale hoc ASTRVM ad cuius illa splendorem  
 tam parum nonnisi, toti suæ eclypsi abest.  
 Hic etiam quot hæc KORICINSCIORVM atq; TE-  
 CZYNSCIORVM ASCIA, in sublimibus Famæ Colof-  
 sis excisos tibi legerem titulos ! illos multa hæcenus  
 sæcula in tot summorum subsellis honorum adorârunt ;  
 illi adhuc tot Palatinorum Castellanos ubiq; celebra-  
 tione, totam Posteritatis memoriam, ipsius Æternitatis  
 aures, occupabunt.

## C Y G N V S D V N I N O R V M

b. Candore notabilis ipso ;  
 Aut illum Tres Gratia suo laverunt fonte ;  
 aut Cœlesti emerfit Lactea ;  
 aut talis ex ipsius Innocentiæ cavea evolavit.  
 Omni hæcenus nævo intactus,  
 nullam nisi colludentis sibi Candoris manum admisit.  
 Hinc est quod albo semper plumarum amictu ;  
 quemadmodum Romani Consules Triumphaturi incedebant :  
 [ Nam illius quoque vox toties Patriæ consulentis salutaris fuit ;  
 et triumphat quotidie de maculis omnibus à se superatis.  
 utique hæcenus, suum ad pectus, hoc est Puritatis Regiam  
 haud ullam accedere permisit.

a hic illis Ascie ulus erat. b Ovid. Metam.

An



An. sic plurimum Senio ætatum incanuit.  
Nullam, illius pennâ, ipsa Senectus diuturniorem habet;  
cùm olim nonnisi Cygni calamo scriberet.<sup>a</sup> Iupiter;  
neque enim ullus, commodior illius accidere manibus potuit.  
Magnum hoc! & cunctis Alitibus  
etiam pulvinaria Deorum suâ plumâ farcientibus, ad invidiam!  
Hanc, habuisse, quod in Cœlo, dignum esset. Supremam Numinum manum occupare;  
Vni OLORIS Pennæ, totæ laborabant Aquilæ Cœlestis alæ,  
cùm, ex Ætna, ferrum à Vulcano laboratum afferre jubebantur,  
quo, hanc Apollo vel Mercurius, Iovi, Scriptorium aptaret in calamum;  
Ab illa, porrecta, sibi fulmina, ipsa toties extorquent scelera;  
hanc nunquam dimisit.

Neque enim vel in supplicia vitiorum utebatur;  
Tam Innocentis Alæ Penna non scriberet flagitium, etiam puniendum;  
Solæ felices ex Virtute Mortalium Causæ, illâ annotabantur;  
ut, in optata à Iove edicta.

plena mortalium Felicitas,  
hæc in Cœlo sibi Duo requireret,  
Manum Iovis, & Pennam Oloris.

Hinc crede: quod cui toties laboraverat,  
cùm ipsi familiaris Fortunæ, tam crebrò illius Ædes obvolitaret;  
hinc argenteum pennæ colorem, ex divite illius extulit officina;  
Nihil Tibi detrahā VOLUCRVM PRETIOSISSIMA;  
heri quidpiam simile Tibi aspexeram  
cùm viderem Uniones.

Iste, cùm extendo æstu, Te in littore Pactoli super gemmas volutares;  
Tibi color adhæsit.

Aut, ne fallam, sedulum Naturæ opus:  
Illa, ex Te, ad Hydaspis ripam incedente, ipsas pinxit Gemmas;  
vel, quod una, Tui Archetypum non impleret,  
quemadmodum olim Apelles, ex omnibus Spartanarum, unius Cythereæ vultum;

Tuam, ex omnium Specie Gemmarum, expressit imaginem;  
En Te ipsâ video collocatum in\* Corona!

Quo Te Volucrum Gemmam nisi in Corona poneremus!  
An Te Rarissimam inter homines Avem,  
aliquis Diogenes, non ad quamcunque facem,  
sed ad ardentium lucem invenit Pyroporum,  
Quam altè, si supra Diadema abiisti!

Quod hinc Tui pretium concipiam!  
Corvus, in Galea, Corvino,  
Tu, ipsa portaris in Corona.  
Commendatissimis suæ Pietatis laude Ciconiis, obviam quamcunque;

Tibi auream posuimus Rotam,  
Ipsa Fortuna, inornatæ insistit;  
Te, adamantibus intexta sustinet orbita.  
An Tibi sic ad Piscariæ littus inambulanti  
ipsæ pedes strinxere Gemmæ  
ne alias Te efferres in ripas!

Fugitivus Honori,  
hanc auream illius circumfers compedem.  
Ipsa Thetys, innocentissimis gressibus Tuis  
singulas adiecit margaritas.

Veteribus, milliaria sua, lapides;  
Tibi omne vestigium, distingvunt gemmæ!

E 2

Proba,

<sup>a</sup> Cygniâ pennâ Iupiter utebatur, felicibus mortalium causis subscribendis. Hesiodus.  
c S. Ambr. E. Hexam.

\* In Culmo  
Stemmati.



Proba, quod es, INNOCVA VOLVCRIS!  
 supra lucentes ambula Ametysthos.  
 Insiste Saphiris, Chrysolitisque,  
 Tuum, supra illos, effer pretium;  
 Sciamus, Te Gemmeam Avem, supra Iaspides Adamantes  
 altius reponendam esse.  
 Quid verò meruisti ALITVM OPTIMA?  
 Oblivionali cingeris ferto; GEMMARVM.  
 Undique Tibi passum impediunt VNIONES.  
 Tiberio, sub limine, opes non modicæ,  
 Tu, quæ incedebas, Corona reperta est.  
 An sic Te sibi CYGNE elapsum captat Dignitas?  
 pro pedicis, Coronæ nodum parat!  
 Video, Docta Apollinis Ales, in Gemmarum stetit circulo;  
 hoc à Te dicere non possunt,  
 non tantum volvi, sed volare in usus mortalium.  
 Ad illud quoque, quendam palloris colorem induunt, responsum Tuum:  
 illas tam diu in mari, hoc est, Regno Veneris fuisse.  
 An Tuos amplexantur pedes?  
 Habent quod deprecentur  
 tam serò, hoc Tibi pretiosum monile texuisse.  
 Attamen ubi Caput, si ipsas inter gemmas, habere pedes dignus es!  
 En! ut singulæ invidiâ pallent, si quam præ aliis calcare velis.  
 Postquam Gryphes, aurum custodiunt,  
 Te sibi Gemmæ eligunt, ut pro illis excubes.  
 Insolitus quidam Magnes,  
 & aurum & Vniones,  
 & ipsum, cum his, ad Te Diadema trahis.  
 Ad Tuum admisi pedem, nisi durissimi essent Adamantes,  
 illius amore solverentur.  
 Quid verò CYGNE, isthic positus agis?  
 An ALITVVM PVLCHERRIMA, aliud dignum non est,  
 in quo, Te nisi pretiosissimo Iaspidum speculo, contempleris!  
 An ex multis, Barbaro feligis Gemmam Annibali,  
 ex qua supremum, cum veneno fatum bibat!  
 Quid tamen Te unam, totum ambit Diadema!  
 Alias Volveres, quibuscunque septis, aut crate vimineâ,  
 Te, ipsius Coronæ claudimus ambitu;  
 ne extra illam, Tuarum aliqua Pennarum cadat.  
 Tene Iupiter quam ex Ala illius habes!  
 quodsi hanc amittere Tibi accidat,  
 frustra secundam, apud nos requiras.  
 Nos quoque iam illam æstimamus,  
 vix non pluris nobis habetur  
 unam illius perire Plumam, quam gemmam.  
 Ne, cum hanc illi excidere, nobis auferri contingat,  
 circumposito Vnionum excipimus Gazophylacio.  
 Omnis illius Penna, Coronæ auget thesaurum.  
 Scio verò cur hic defigeris Cygne;  
 Quam omnium OPVLENTISSIMA AVIVM es,  
 cui ipsa pro Nido Corona est!  
 Alia, tibi, in hunc, viles percompita paleas,  
 ramenta, abiectasque frondes;  
 Tu, illi struendo, Gemmas conquisivisti.

Scili-

iam oli

du

77



Scilicet, non ad Caystrum aut Padum  
 sed ad divitis stagna Fortunæ,  
 ad Tagum & Hydaspem educatus,  
 illi tam multas facile colligebas.  
 Aut certè Thebano felicior Amphione,  
 iam olim voce Tua in<sup>a</sup> septuaginta septem, Superùm Honori, Tempa  
 saxa & marmora adesse iusseras;  
 nunc illam Tuo etiam Ornamento,  
 pretiosi sequuntur lapides.  
 Si non & illa ipsa saxa, Sacris immissa Delubris,  
 in adamantes Tibi sardonychasque abierunt!  
*Nemo melius quàm Pietati fœneratur.*  
*Accepta à nobis, lucro mutant, non reddunt tantùm superi.*  
*Dabit b ipse Coronam*  
*Factus honos Cælo, & referet diadema labori.*  
 Seu, in hoc,  
 Coronam, alicui Barbaro ereptam Regi, Tibi subiecisti?  
 æquè Tu hostium Insignia, atquè ipsos exostis,  
 pridem, procul elatam, profundo demississes pelago;  
 vel eidem, prisca fatum Æschyli renovans,  
 in caput excussisses.  
 Ergo hoc nostræ Diadema Poloniæ est;  
 dum Sarmatica Aquila, ultra fines Regni, evolat in hostem;  
 pro Corona domi Cygnus excubitozem agit;  
 tuta illius sub alis protegitur.  
 Miraris? complicatis alis, totam insedisse;  
 ideo illas ita composuit, ne excedere videatur.  
 Quodsi utramque explicet,  
 tutò sub unâ, Poloniæ,  
 sub altera illius ala, totum Daniæ Regnum ponas.  
 Sed audi, tanti meritum Honoris!  
 Quod pro Balthide Istuleum littus elegit,  
 quantum esse maximè grati possumus  
 ipsos, qui illum huc ex Danorum Regno detulerunt,  
 pedes illius coronamus.  
 Hic, sibi, \* Kryvousti Diademate, compensatum putat,  
 quod tres \* Svenonum Coronas illic liquerit.  
 Ne verò plaudite vobis hostes,  
 Regiæ superstare solitam Coronæ. Crucem, non videre;  
 ex hoc Vobis Dignitatis suggestu,  
 regii verticis cogitationes,  
 hoc est, vestrum perpetuò funus canit.  
 Beneficium tamen!  
 ut hinc inter gemmeos refracta lapides  
 exequialis Echo, tam placidè vestris auribus allabatur!  
 Nos adhuc nostræ gratulamur fortunæ;  
 simul cum illo, hic nostræ securitas nidificat Coronæ,  
 cum quo hæc semper suæ felicitatis Alcyonia experitur!  
 Adhuc Tui pretium CYGNE repetam;  
 dum Tu in terris inter gemmas,  
 simul aliquid Tui, in Cælo, ipsius Iovis inter digitos, est.

F

Quem

<sup>a</sup> Petrus Danus, qui processu temporis Magnus Palatinus, & Comes Piotrek appellatus est,  
 77 Ecclesias de sectis ac dolatis lapidibus, ignominiam Poloniæ, cum tunc in ea infrequentes,  
 ex muro essent, deterisurus, fabrefecit. Dlugossus in Hist. l. 4. b. Mantuan.

\* Cum hoc  
 primus Du-  
 ninorum in  
 regnum ve-  
 nit.

\* Tres hu-  
 ius Familie  
 inDania re-  
 gnârunt.



\* Illa tam  
quam CE-  
GNEA fuit.  
Divini ho-  
minis Vox  
& Oratio.  
Cic: l. 3.  
de Orat.

Quem etiam Tibi adhuc Honorem excludes  
si ipsi Coronæ incubas?  
aterim Tibi applaude hîc à Fortuna collocato;  
non surdis cantas Scopulis,  
voce Tua oblectas Vniones,  
iplos auritos Tibi reddis Adamantes.  
Plus est, Te toties, pro totius Oceani,  
Istulei Regni Moderatori \* IOANNI III,  
atque pro Thetyde,  
AVGVSTÆ MARIÆ CASIMIRÆ auditum esse.  
Feliçius non poteras, quàm istorum Coronæ cecinisse.  
Quisquis verò interrogas,  
cur solus hîc reliqua sine prole Cygnus?  
Omnes CYGNEI, in pulchras ipsius Coronæ Gemmas transmigrârunt.  
Demum ne invid eas Ledæo Olori  
quod \* Castorem & Pollucem;  
postquam hîc unum istud nobis SÏDVS protulit,  
tam b. certum Immortalitatis splendorum suorum,  
quam nullum par alterum est  
cum quo illos communicet,

Hîc Quantos mihi vel una Oloris Penna, Insignes Ho-  
noribus Viros annotaret, omnibus deinde Fastis legen-  
dos, si illos vel omnes Fasti caperent! Hîc se offerre  
BOLES LAVS KRYVOVSTVS Poloniarum Rex, cum  
quo, primus Generis huius Auctor, & ipse Gvilhelmo  
Danix Thesaurario natus, Poloniam adiit; ut quemad-  
modum Czechus cum Lecho Rege, Aquilarum; hic,  
cum altero, nidum fundaret Olorum. Ductâ Thori So-  
ciâ, Ducis Kiiovienfis VLODIMIRI FILIA, cùm ejus-  
dem alteri, Rex ipse nupsisset, quâ se hinc illi deinde  
affinitate, Ducum, Regumq; ulteriorum non terminan-  
da series, illigavit? Nullam hæcenus tot sæculis in Po-  
lono Senatu, seu Profana, seu Sacra Dignitas Curulem  
posuit, cui hic Olor non supervolârit. Ipse primus Gen-  
tis Cygneæ, ut nomine unius, ad omnem formatus mon-  
straretur dignitatem, Majoris Polonix gessit Genera-  
lem. Promeritus Virtutibus, rectefactorum Sanctimo-  
niâ, ut ipse in omnibus totidem, quot condidit, Templis  
adoretur.

COLV.

a. Fratres, b. quorum alteri mortali, communicata ab altero immortalitas,  
sidere mutati, alterni, occidente altero ex illis, vel oriente, lucent,



# COLVMNAM cernis OBORSIORVM

COLVMNA  
superposita  
fastigio CO-  
RONA.

Huic, si illorum,  
si velis illius proprias inscribere laudes,  
non laudes proprias tota Columna capit.  
Hæc triumphantis Patriæ Obeliscus.  
Vna ruinas nostras sustinet.  
Ad hanc allisa toties vitrea Barbarorum fortuna comminuta est:  
Hæc Othomanicæ limes ferociæ.  
Vna, duabus Herculeis melior Columnis;  
nam in illa Polonis hostibus non legitur, NON PLVS VLTRA  
sed sentitur.  
Vnde illis accepta, quæris?  
Adeò laude literarum inclytis  
una hæc ex DOMO SAPIENTIÆ obtigit.  
Ad hanc nunc Publicæ Annales Gloriæ,  
nostræ Privilegia Felicitatis, evulgantur.  
Quamquam tam immane Saxum  
nonnisi toto Thracum Ossâ aut Hæmo excisum est;  
Victor illud Gladius dedolavit.  
An ipsa hic Turcia, fato Niobes,  
suorum flens preceptorum funus liberorum, in Lapidem obrigit?  
sanè stet tota,  
insolitum victoribus effingens Colossum.  
Ex ipsa Solis Regia, translata hæc Columna est,  
cui hucusque tam altus Splendor incubuit,  
Ipsa humus statim natis ne diu expectarent,  
hunc Obeliscum extulit,  
Ipsis ex cunis honorari statuis digni sunt.  
Veruntamen cum infra rubeat Campus,  
Plagiarium collige Turcis Saxum esse,  
ad quod illos toties Sarmaticus Mars licetore ferro,  
Bellona sanguineo cecidit flagello.  
An Vos ad rubri litus Oceani Victoriæ prosecuti,  
huc limitem promovistis lapidem?  
Credo, ita stans ius sibi totius vendicat Erythræi,  
ne quisquam vestræ laudis sermo  
intexenda legat corallia.  
Aut, si hoc Sanguinis æquor est,  
trophæi instar attollitur,  
quod una, tantum cruoris, Barbarorum suppositis expresserat cervicibus.  
Nunc durus Scopulus suo illis exstat in Sanguine,  
ut ad illum, in hoc, suæ adhuc Navis Reipublicæ naufragetur.  
Stat elato culmine,  
ex quo Polonus Vlysses Odrysios<sup>b</sup> Astyanactas  
suorum deturbet in sanguinem.

F 2.

Nescis

<sup>a</sup> Regia Solis erat sublimibus alta Columnis. Ovid. Met. <sup>b</sup> Priami filius ex alto  
ab illo princeps neci datus.



Nescis quam sublimi surgat cacumine!  
 Abydenis, Byzantinis turribus altior est!  
 Ab hac ultra Buxinum, Mæotim, aspicitur  
 quid totâ agatur in Turcia.  
 Nemo illos audit  
 quoties locuturi cum Diis hanc conscendunt.  
 Huic dum insistent  
 ipsas inter nubes abscondunt caput,  
 Cum iam saturis annorum non libebit vivere,  
 supra hanc ituri Columnam,  
 & aliquem è Diis evocando,  
 adesse se indicabunt;  
 ille, porrectâ, ad se manu inferet.  
 Tantam, altitudine suâ, umbram,  
 quantam non ipse in Asia<sup>b</sup> Athos projicit.  
 Totus, subter illam,  
 refrigerio exercitus captando secedere potest.  
 Ipsam, missâ à se umbrâ, Lunam involvit  
 Tam verò firmiter collocata est,  
 ut nec fulmine incusso everti timeat.  
 Toties Furor Othomanicus frustra hunc  
 impellere humo Lapidem voluit.  
 Ipse pridem hanc Columnam suo Honor,  
 Fortuna suo intulisset Templo;  
 Mars & Victoriâ, in Capitolium avexissent;  
 si suâ movere sede potuissent.  
 Stat Marpesiâ immobilior caute;  
 ut vobis stet solis.  
 Quæ hæc DOMVS VESTRA!  
 ut ab ipsis lapidibus  
 etsi Grandium ædibus Numinum præponatur.  
 Stat adhuc campo, ut sit publica Basis.  
 Ut neminem, vobis fortiùs, cruentâ arenâ stetisse, monstret;  
 faciliùs semper quicumque Phariam Pyramidem,  
 quàm Vos, illo, quem in bellis ceperatis, loco depulisset.  
 Nunc in immenso Martis campo,  
 ne quis illo ad Gloriam exerret, iter edocet.  
 Terræ motus, quibus Memphiticæ corrûere Pyramides,  
 tuta sustinuit;  
 ut majus omnibus illis Prodigium sit,  
 cum illas iam cecidisse, hanc adhuc stare posse, miramur.  
 Audi de robustis hac stirpe Heroibus!  
 Columna fortes Samsones indicat.  
 Tantis graves meritis  
 toto fulciri debent Colosso, ne procumbant.  
 Chiron Pinu, quicumque Gigas aliis, arbore;  
 hi pro armis, totâ utuntur Columnâ.  
 Non quemcunque in Turcicos canes emittunt lapidem;  
 integro ab istis Colosso, lapidantur.  
 Tota istorum Domus, una Patriæ Columna est.  
 Supra hanc, Sarmatiæ spes inclinata recumbit.  
 Quæris! cur nullum illi superstet Simulacrum!

Multa;

<sup>a</sup> Sestos, Abydos Turres vulgo, Dardaneli, ad Constantinopolim, <sup>b</sup> Umbra tamen huius  
 ad 900 stadia protenditur.

multa;  
(neque

quàm  
N  
toties

Cedit illa,

qu

At ve  
 loniæ se  
 tos! \* Se  
 in hoc  
 essent.  
 ventinu  
 degrav  
 re, labo  
 scriptos  
 rona ta  
 dicat;  
 adema.

Z

N

a Q  
 Buch



multa; equidem illa, Fortitudinis, Gradivi, Honoris, visebantur;  
(neque enim se ab ullo lubentius, quam ab istis coli optabant)  
jam omnia ut seipsis istum adorarent,  
sponte ab illa ceciderunt.

Dum impositam illi CORONAM vides!  
nihil hi altius summâ habent Potestate;  
nihil supra Coronam attolli patiuntur.

Huc verò impositum est Patriæ Diadema,  
ut hostium, ad illud, manus non pertingant.

Tam altè hi Regale tuentur Decus,  
ut non minor hosti, ad Regium caput,  
quàm ad altissimæ fastigium Columnæ, longinquitas occurrat.  
Noveris tamen, hoc Marmor suo coronatum merito;  
toties opportunam in se Patriæ excubiis speculam exhibens,  
pretiosè redimitur.

Quò hos ergo ipsos dignos putes,  
quorum ipsi promerentur lapides coronari?  
Cedit illa, huic Columnæ, cui aureum, tantum promittebatur<sup>a</sup> caput;  
cùm hæc semper præferat etiam Coronatum.

Si non plus quoque quàm semel,  
quia à CHRYSOSTOMO Aureum Caput possidet.  
Digna quidem, Rhodii instar Colossi,  
ipsum sustinere Solem,  
nisi præ Solis vultu, illi felicius foret,  
hoc imposito sibi SIDERE radiare.

At verò, quot hic Tibi Illustrissime Domine, seu Po-  
loniæ seu Italiæ recenserem, Antistes, Proceres Purpura-  
tos! \* Sed, quot illos habuerit, ipsa nescit Roma; omnes<sup>Plurimi</sup>  
in hoc nati erant, ut Fidei, Religionis stabilimentum<sup>Columnarum</sup>  
essent. Si nunc omnes simul hæ Columnæ starent, A-  
ventinum Palatinumque montem grandi suo pondere  
degravarent. Olim omnia Nomina ad numerum voca-  
re, labor Æternitatis erit; nunc omnes immortalibus in-  
scriptos tabulis, hic suppositos sibi tuetur Colossus. Co-  
rona tamen illius, Reginam Poloniarum \* BONAM in<sup>huius su-</sup>  
dicat; ab hac, illi, cognatæ Regibus Prosapiæ adhæsit Di-<sup>erat fami-</sup>  
adema.<sup>lia,</sup>

A G N V S

Z A L V S C I A N V S

V N V S est.

Nescio, an talem alterum etiam Deorum recensent Ovilia,  
non huic parem Honor habet,  
b cuius tamen ille sanguine omnes tingit Purpuras.  
Ipse Zodiaci Aries

G

cum

a Quod, ab hoc, umbra certo die cadens, locum attingeret thesauri sub terra defossi.  
Buchler in Rarit. Græ. b Hesiodus.

\* IVNO:  
SZA seu A-  
RIES albus  
totus, supra  
Colliculum  
pede elato.



cū apertum in Cœlum, ante Iovis Atrium prodiit,  
 non citius quàm toto vocatus mense, illi redit;  
 tamdiu hunc ab alto prospiciens miratur, tamdiu invidet.  
 Et si verò etiam ornatus Astris,  
 tam longo dierum intervallo se nobis ostendet ab axe,  
 obtinere à nobis non potest, ne hunc illo credamus meliorem.  
 Totus CANDIDVS;  
 non tamen solum ex <sup>a</sup> millibus aliorum electus, sed ex omnibus.  
 Pridem illo ipsa veheretur Innocentia,  
 si suo reperire Currui talem secundum potuisset.  
 Est quod illi gratuleris;  
 hōc, qui unicus ad Dignitatem color, semper insignitur.  
 In ipso ad summos Titulos habitu, natus est;  
 ut, qui illi aliquando conferebantur, omnes tardè receperit,  
 ad quos, ipsa simul cum vita, Candidatus fuit.  
 Natura, omnes alios prævenire voluit;  
 ne etiam talem, illa, prima non faceret.  
 Nullum, illi, sui operis momentum exit,  
 quo non ingentis famæ Competitorem agat.  
 Nepheleia quondam Ovis Phryxum & Hellen portavit;  
 felicior, cuius dorso etiam Numen aliquod,  
 scilicet CANDOR sedet.  
 Hactenus alteri se vacuum oneri servat;  
 quemadmodum Bucephalus neminem præter Alexandrum,  
 hic, solum in se CANDOREM sustinet.  
 Ab illo, cū semper eum ferat, hunc injectum sibi amictum habet.  
 Aut si haud ulli jugalem puras,  
 (Quis enim dignus, ut hic eius bajulus esse velit?)  
 Amicum potius Candori Animal est:  
 cuius ille amantissimus, ipsam, se illa exuens, suam illi Togam donavit  
 Quantā ergo pulchritudine promicat!  
 non alius illi, in tergo, quàm Candori in vultu, color est.  
 Solus in Campo aspicitur;  
 quod nihil usquam trepidet, solus exiit.  
 Seipso, quia Candido, tutus est.  
 Sublimi insistit COLLICULO;  
 superba humus supra alium se omnem extulit locum,  
 qui necdum eum accipere meruit.  
 Quanquam insolito istud Telluri gaudio evenit,  
 ex toto illo Candido, hoc est, Puritati collactaneo;  
 Ipsa Tellus lata se quodammodo offert,  
 quā, per illam incedit Innocens.  
 Stat Agnus elato prati culmine;  
 ipso omnes congressu suo evehit,  
 nemo illum accedere potest, quin se videat ascendisse.  
 Præcelsum Animal, non pascitur nisi in sublimi.  
 Accurrite Patriæ Cives!  
 Sponte Agnus sublimem inscendit locum,  
 ex hoc fecunda lanæ monstrat latera.  
 Venite! vellite, quō Patriæ alligetis vulnera;  
 immo pretiosa ipsorum donaria Deorum involvatis.  
 Vel certè plausum parate triumphalem!  
 jam Agnus, *eminere* incipit;



supra unum ex septem Romanis stetit Collibus;  
 Nosce tamen adhuc, unde ita altus à terra stetit;  
 cum hostes infensi Polonæ telluri, suos illi subiecissent cuniculos,  
 quibus illam multo dissiparent vulnere,  
 hic, iam iam erupturos, agnoscens surgentis indicio soli,  
 illis accurrens superinstitit;  
 & vel hoc pedis elati nutu exire vetans, subsidere còégit,  
 vel spargendam, se ipso firmavit.  
 At, cur non hunc, illius Innocentiæ, successum tribuamus!  
 Siculus Ignis, <sup>a</sup> *scit nivibus servare fidem,*  
 habitâ Probitati reverentiâ, in imagine sua;  
 Probate mortales!  
 hunc supremo Vesuvii fastigio superponite,  
 cras, nullo se hâc exitu solvet ignis,  
 lucentem flammis quotidie rogum, seipso extinguet?  
*Maximum cuicunq, obstaculum incendio Innocens.*  
*Hâc, quâ constitit Virtus, non transeunt pericula.*  
 An sic suo fixus pondere persistit?  
 dole Iupiter! hunc tibi olim non adfuisse;  
 quem si Ossæ, Pelio, reliquisque superstatuisses montibus,  
 non ullum Centimanus,  
 non tota Gigantum Turba suo emovisset loco  
 contra Te jaciendum.  
 Vel nunc eum supra Ætnam defige!  
 citò Trinacriam solito liberabis metu;  
 sentiet onus <sup>b</sup> Enceladus,  
 ut illi, inquietum pænæ, componat latus.  
 Cum verò unum extulit Pedem,  
 nego eum totum esse supra terram.  
 An sic hunc ex alto nobis exhibet,  
 ut ab illo noscamus, nunquam incessisse per ima;  
 nunquam nisi in sublime, vel unum movere pedem voluisse!  
 Nobis ipsum monstrat, ut ab illo legamus,  
 quemadmodum illo hætenus multum Gloriæ iter confecit.  
 unam protendens Plantam; passuum suorum mensuram capere jubet  
 Quis non immensos putet!  
 sic extentâ, vix unum molitus gressum, huc ascendit;  
 quò non adhuc pluribus, si uno illuc pervenire passu potuit,  
 unde totam infra se humum reliquit!  
 Ergò sic Plantam ostendit;  
 supra Leones habendus, quem totum, etiam non ex ungue noscas,  
 Stat solus, hoc culmine suo;  
 à nemine deturbari timet.  
 Vnum levans pedem, omnes terret incursus;  
 illo, è longinquo, meditatum crimen invasori excutit.  
 Aut si quos, propiùs illum, sua tulerit audacia,  
 hunc solum si impingit,  
 omnes sub triumphalem illius calcem protrusi cadunt;  
 quem, dum supra illos, ita elatum tenet,  
 lentæ jacere morti malunt  
 quàm rursus contra illum assurgere,  
 semel grave illius experti vestigium.

G 2.

Tan-

<sup>a</sup> *Flamma Ætnæ erumpens, nivem non solvit.* Claud. de Rap. Prof. <sup>b</sup> *Ætnâ*  
 à Iove obrutus; illo se movente, Terræ motus in Sicilia, iuxta Pœtas.



Tandem crede hunc A G N O locum, sepultos extulisse Turcas;  
ut, de quo non bene meritum putes,  
cui attollendo in sublime, caesorum laborant cadavera Hostium;  
quem victi Barbarorum manes cum inferre Olympo non possint,  
seipsis, saltem propius admovent.

Quamquam ille, defossis superstat Victor;  
ostendit, uno tot Triumphos adiisse pede,  
Imò, illum levans, calcatur non fuisse ampliores,  
Aut attollens, præbet locum  
Laureis ex sepulchrali colle surgentibus,  
Mitissimus iam superatis,  
ita insistens, sui cespitem Triumphum tegit;  
Imò, reliquæ telluri æquare nititur, ne aspiciendus proftet,  
& Barbarici funeris auctor inquiratur.

Placidus post fata sepultis,  
ne illis, ipsa gravis cum terra, sit,  
partem oneris subducit, plantam sublevatam.  
Si non ita admissa calce mortuorum pulsatur tumulos;  
adesse jubet conflictui, ne desint quos iterum vincat.  
Iam pœnitet, tot unam congestisse in stragem,  
ut nihil reliquerit secundæ.

Vel, si hunc auriferum collem opineris,  
seipso, aurifodinam consignat,  
postquam illius possessionem, pro nobis, pedum positione, iniit.  
Immo iam ne Poloni gravem ligone laborem subeamus,  
suo excutens pede, thesaurum fodit.  
Quanta illi, cum Innocentia, etiam modestia!  
non aliquem supra montem ascendit;  
*Fugit altum, cuius non eget, Innocens, Theatrum.*

*Procul Virtus, etiam ex parvo, cernitur.*  
Seipso hic Agnus sublimis est;  
quamvis humili colle steterit, seipso, quovis altior monte eminet.  
Grande, ex ZALVSCIANO Nomine, habet fastigium.  
Aut certe hic parvo se sustinens colle.

Illic altius culmen expectat, ubi <sup>a</sup> *supra montem* conspectus est.  
Miraris! qui eum pascit, nullum adesse;  
necdum, hoc illi, Fortuna præstare obsequium meruit.  
Vellet Ganymedes redire terris,  
et si dignus foret, isto, illum, pro Ida, colle pascere.  
Percontaris, cur totus circum Ruber Campus sit;  
ipse sic pedem elevans, indicat,  
quod, Perseo verius, quidquid calcaret pulchram ipsi mutatum Rosam est.  
Ne ille tantum gloriari possit quem Semiramis Agnum quotidie Rosas aluit;  
has, tota illi circum tellus longè abundius producit.

Quas cum hic semper aspicias,  
ne iterum hunc, esse meliorem Cœlesti, Arietem dubita,  
sub quo, perpetuo terra, Vere quodam pingitur;  
cum, quocunque velis tempore; hic Rosæ appareant.  
Melius affirma, Purpuram esse;  
hæc undique illi sternitur, ne usquam nisi per honores incedat.  
Ipsa Dignitas, videns pede elato velut iter parantem,  
ipsam illi trabeam viam sternens,



( minus? Othoni Boleslaus præstiterat )  
 ad se deducendum invitat.  
 Aut certè; cogita hoc illum colle;  
 ceu modico Insulæ loco, stare;  
 totam illi Sidonem Tyrumque circumfundi;  
 omnem circumnatare muricem;  
 posset totus ostro tingi, & viva fieri purpura;  
 sed attollens pedem, ne hunc quidem, immersum cupit.  
 Nil non Candidum Innocensque omni suo exigit à vestigiis.  
 Pulchriorem omni aliâ, Innocentiæ tincturam putat.  
 Sic colle consenso plantam elevat,  
 veluti alios doceat, candidè ubique incedere.  
 Ipsi, iacenti propè, ita quidpiam Purpuræ, scilicet Innocentiam inculcat;  
 Hoc supra Trabeam, colliculi fastigio surgit, indicio:  
 Quod *habitu Candoris supra Purpuras evehimur.*  
*Altius Virtute, quàm honore eminemus.*  
 Attamen quisquis es! nega ZALVSCIORVM AGNVM  
 grande Terris obortum SIDVS;  
 ruber hic, non alius quàm Purpureus Auroræ color est.  
 An verò aliquando magis hic Sole surgente, suam illi, per Cælum;  
 quàm huic, suam, Tellure, viam pinxerat.  
 Immo, intellige Tanti magnitudinem Sideris!  
 quod, cum subito oriri totum non possit,  
 omnia, circum tamdiu perpetuo velut in exortu,  
 à primis illius rubent radiis.

Sic ergo Tibi nascituro hæc meritò Superi sanxerunt or-  
 namenta. Quid enim Tuam adultam, citius Infantiâ  
 Pietatem, magis quàm Cruces Olszoviorum delectarent?  
 Quæ, quàm illorum geminæ Falces, non unam ex Te  
 nobis solatiorum fertilitatem portenderent! Quæ illu-  
 stres nato in Terris SIDERI cunas, præterquam Kory-  
 cinsciorum Ascia, ipsaq; simul Luna fabricaret! Pulchrio-  
 rem Infantix Tuæ Avem offerre, præter Duninorum O-  
 lorem, orbis non poterat. Ad magni Fascias Alexan-  
 dri, Aquilæ; ad Te Cæleste Sidus, ipse è Zodiaco Cygnus  
 advolavit. Quis isto, toti stellarum<sup>b</sup> Lactææ advigilante,  
 candidiùs sub ala sua, Te lactens in terris Astrum custo-  
 diret, aut feliciùs innocentiusq; Tuas lachrymas, quàm  
 hoc, què ante Iouis modulatur Atriũ, cantu suo recrearet!  
 Tam auspiciatus natali Tuo dies, non quocunq; lapillo,  
 sed totâ Oborsciorũ Pyramide debuit annotari. An alia,  
 quàm hæc, impressâ sibi illorum voce, præ Memnonia  
 ad prodigium facundior statua, istud suo in exortu Si-  
 dus

a. Cui, D. Adalberti sepulchrum invisenti, aliquot leucarum iter, panno straverat. b. Cygnus  
 protensis supra Lacteam alii volat.



dus salutaret. Quodsi adhuc vellem alia Generis Tu  
 retexere monumenta, quantus nullo exhauriendus cala-  
 mo, æquore maior, Purpurei fons Sanguinis funderetur.  
 Ipsa pro illo Fama excubat, & una illius stilla, tot Famili-  
 arum pingit Imagines, in Capitolio triumphantis Nobili-  
 tatis defigendas. Hoc eodem **AGNO KROSNOVSCII**  
*Fratribus* **KARNKOVVSCII** censentur. In tot tamq; multos ab  
*divisione*  
*terra ha-* aureo ævo Heroes, Senatores, Archipræsules exornan-  
*bitandæ* dos, pulcherrimum Decus, quodam ipsius Fortunæ mi-  
*Nomen a-* raculo, replicatum est. Ipso semper **AGNVS** hic pasci-  
*liud for-* tur in Senatu, recentium Titulorum Fascibus, quos illi  
*titia,* Gloria, Merita, Virtus, destinato Honoris præbent ali-  
 mento. Cum verò Lanam suam **RADZIEIOVIÆ** in-  
 tulit **PVRPVRÆ**, quidni ita assurgeret! novū felicitat-  
 is suæ gradum putat, in huius lacertum, quò ille Polo-  
 niam, quò, tantum ipsius Romæ sustinet, pervenisse.  
 Quanta Te tamen adhuc **AGNE ZALVSCIANE** Im-  
 mortalium stipant decora Virorum! ut passu elato sub-  
 harere cogaris, quòd viam non invenis, qua, per tanta  
 exire possis ornamenta. Hinc Te **MOKRANOVVSCI-**  
**ORVM**, **STRZALKOVVSCIORVM**, **MECINSCIO-**  
**RVM**, **DZIALYNSCIORVM**, **FREDRORVM**, **LI-**  
**PSCIORVM**, **KAZANOVVSCIORVM** quantus in illis!  
 cingit Senatus. An necdum & **KONIECPOLSCIOS**  
 adesse vidi! ut sua Tibi circum æterna locant trophæa;  
 ut undiq; suspendunt Belli Pacisq; adoreas; & per ingens  
 Turcici sanguinis æquor, ceu ponte, suppositâ Ducali  
 Clavâ, abire jubent, non ad unius Dignitatis Floridam, &  
 ubiq; littus tenere fortunatum. Sed quæ hîc cum tot il-  
 lorum Ducibus Tua centuriatur Gloria! postquam illa,  
 cum his, in Castra Poloni Martis, & ad solium Vivæ Re-  
 gum omnium Gratiae **INVICTISSIMI IOANNIS III.**  
 devoluta est. Nunc totus erigere, & supra omne Generis  
 Humani exili fastigium! Nō enim poteras **ARIES ZALV-**  
**SCIANE** ex ulla affinitatis arbore, feliciorē surculum ad-  
 mordere. Quodsi <sup>a.</sup> Pelopidæ Reges, sceptrâ sua, Arietis  
 Tantalici lanâ adornabant; Tuum quoque Vellus, & si

non

non i  
 etum  
 omni  
 bus B  
 ne m  
 nãia  
 Princ  
 git! r  
 isse,  
 um so  
 Cæsar  
 planè  
 Præsi  
 gisse.  
 illi, q  
 rit ma  
 quial  
 non a  
 imò,  
 petuo  
 ipso r  
 gni m  
 non p  
 jubeb  
 siman  
 quocq  
 cere  
 grand  
 favill

Non  
 cit; q  
 temp  
 Phæn

a. Arca  
 V.



non in illa KRYVOVSTI & BONÆ regnantis dedu-  
ctum esset: hoc illi gratulor, in IOANNIS III Boleslais  
omnibus bellicosioris, Mariæ CASIMIRÆ præ omni-  
bus Bonis, sanctius coronatæ sceptrum, ascendisse. Si-  
ne me, tot inter Familiæ Tuæ triumphos, tristes canere  
næcias. Quis Te tumuli lapis, Senatûs Orbisq; Poloni  
Princeps Primasq; ANDREA OLSZOWSKI, totum te-  
git! non sub immensa jacere Carpathi mole totus potu-  
isses, nisi Te fata, illo temporum febriumq; æstu, exigui-  
um solvissent in cinerem. Quantam nobis Mensis ille  
Cæsarum, & Cæsar Mensium expugnavit animam! ut  
planè videremus, ipsis illis cum diebus, quidquid in  
Præsule, Senatore, augusti esse posset, \* finem suum atti-  
gisse. Experti planè Herodis, in Libitina facinus; cùm  
illi, quo Episcopo, Senatore, Patre Patriæ, non surrexe-  
rit major, vitam amputavit. Diu multisq; seretrum exe-  
quiale aspersimus lachrymis, & siccare luctus nostros,  
non adulta Anni Cæliq; serenitas potuit. Intelleximus  
imò, parum nos illacrymari cladi nostræ, nisi vicinā per-  
petuo ploratu Balthidem totam funderemus. Omnia in  
ipso nobis Mors velut suæ venalia tyrannidi, in illo Re-  
gni nostri rapuit emporio. Ingens damnum terrarum,  
non poterat nisi cælestis statera ponderare. Sed sistere  
jubebo luctus, cùm satis illorum habuerit, cui grandis-  
simam in morte præficam tota egit Respublica. Iam  
quoq; Te præstat facere, quod, Phænicem cùm Patriis fa-  
cere cineribus, Poetarum fide exploratum est. Ille jam  
grandior, paterni reliquias rogi, & relictam illius a fato  
favillam omnem colligit,

*Perq; levæ auras, b. Hyperionis urbe potitus,  
Ante fores sacras, Hyperionis ade relinquit.* c.

Non semper, jam & ipse Phænix, alterius cineres respi-  
cit; quod verò gratissimum illis exhiberi putat, ipso Solis  
templo committit tumulandos. Sic & Tibi, Tanti ubiq;  
Phænicis illius sepulchrum, ne adhuc obversetur; post-  
quam

a. Arcanus Aries cuius ætergo novi aurata Reges sceptrâ Tantalici gerunt. Seneca in Thyest:  
Vers. 227. Tantalus Nepotes Peloponnesiaci Reges sceptrum Arietis lana, ornare  
solebant. Delrius, Farnabius hîc. b. Id est, Solis. c. Ovid. Metam. l. 15.

\* Moritur  
29. Aug.  
Die S.  
Ioan Bap.  
Gedani,



\*Illius no  
mine  
Andreas  
vocatur.

Episcopus  
Alexandriensis.

quam jam ejusdem cineres, ipso inter Beatorum splen-  
dores Manium Olympo deduxisti. Non mortuus nobis  
est OLSZOVIVS, pro quo vivit ZALVSCIUS. Non  
ille frustra, Magnus tunc Regni Referendarius, \* suum  
Tibi nomen impositum voluit, quod cum hoc, omnia ad  
Te ingentia illius decora referrentur. Neque sine arcana  
Superum destinatione, eadem Te quæ illum dies Orbi  
effudit; nisi quod idem aliisque ille, nascereris. Parum  
dixeram: CHRYSOSTOMI & OLSZOVII luce editus,  
pro quantis unus Præsulibus nobis obtigisti! Ut Te in-  
numeros spirare asseram Antistites, dicam quod hi duo  
in Te, & CHRYSOSTOMVS & Magnus ille natus est  
OLSZOVIVS; & potes supplere utrumque, quia es ZA-  
LVSCIUS. Ab Illustrissima Fratrum quoque Tuorum  
laude, quantum Tibi, SIDVS quantumvis Te ipso ma-  
ximum, fulgorem intendisti! In LVDOVICO, ingen-  
cum probitate animi, certat ingenium, vincente utroque  
neutro tamen sibi palmam concedente. In tanta Vir-  
tutum illius innocentia, quis neget ab illo suum esse  
ALEXIVM appellatum. MARTINO Aræ Cracovi-  
enses, & adhuc pulchriorem propria merita laudis fa-  
cem accendunt; quæ & Romæ, atque in hac, mundi ipsius  
oculos in se convertit; Sarmaticisque Aquilis illuc tunc  
advolitantibus præluxit, ne vel in Appia, à virtute ab-  
errarent. Illustrissimus Castellanus Ravensis, non  
minor illo ALEXANDER, totum, famam nominis, Polo-  
num Orbem implet. Nuper pro Tribunali, Rex juris  
Sarmatici, Virtutes non passus est vitis esse subditas; &  
quemadmodum ille, Macedoniæ, hic Regnum extulit lu-  
stitiæ. Adeo illum Invictum suarum experta est legum  
Propugnatorem, ut nihil jam magis sibi optet, Astræa,  
quam ad suam cælestem Libram pro ipso Leone ZALV-  
SCIANVM semper AGNVN excubare. Brestensis  
Cuiavienfis Honor, nactus Lechici Orbis HIERONY-  
MVM, seu semper assveverit tubam audire, & si Gradi-  
vi: seu facundiâ ejusdem, nostris consulat rebus. Li-

ven-

a Virgo in calo, Poetæ Iustitia, ad cuius Libram, hinc Leo, b S. Hieron. videbatur sibi  
semper audire Tubam judicii.



venſe Vexillum, adeo armaſti FRANCISCE ut ſub  
 nullo major Virtutum exercitus, aut robuſtior Glorïa mi-  
 lirârit. Par ſub illo, Tibi, ſe Fortuna explicat, dum in  
 Lectiſſima Conjuge, Principum Areſchot Sanguinem  
 Tuo miſcuſti. Tu quoq; CAROLE, jam nunc Magnus <sup>Calisſij in-</sup>  
 es; ex KARNKOVIANO AGNO, ſimulq; Tuo, jam in- <sup>cambus li-</sup>  
 gens Tibi, novo lanificæ opere Mineræ textitur Trabea,  
 ad quam interim Te Honori abſcõdens, literaria in  
 umbra deliteſcis. Ab his vero, (ut iterum rariſſimam  
 Tuam conveniam felicitatem) quantis, Progenitorum  
 Fortunatiſſime, Tuam jam Meritis anniſq; canam æta-  
 tem, inſtauras laudibus! *Vix ullius ævi, gentis, ordinis hominem*  
*inveniam, cuius ſucceſſus omnes, huic Tuæ comparem Fortunæ*  
*Quodſi Metello, cõm mortui eius lectum, pro roſtris ſuſtuliffent, quatuor Filij, unus*  
*Conſul & Cenſorius, alter Conſularis, tertius Conſul, quartus Candidatus Con-*  
*ſulatus, quodſi inquam funebre pompam læta admirantis*  
*Velleji ſolvit acclamatio: a hoc eſt nimirum, magis feliciter de vitâ mi-*  
*grave, quàm mori iubeo ipſam Famam, vel grandiore* vo-  
 cem, vel majorem accipere Tubam, quâ, dum Te à tot  
 pluribuſq; longè ex Te, Tibi & Dignitati publicæ natis,  
 ipſius Immortalitatis Capitolio, illorum non tam hume-  
 ris quam meritis inferri videt, quâ nimirum per omni-  
 um Populorum, Urbium Nationum aures inſonet: hoc  
 quotidie eſt triumphare non vivere! O AGNVM ZA-  
 LVSCIANVM, quantò Tua præ Troianorum Equo glo-  
 ria commendabilior! ex illo, Diomedes, Vlyſſes, obſcu-  
 ræ incendia noctis, & furtivum ferentes ignem; ex Te  
 tot tantaq; Virorum Lumina, Troiæ Polonorum illu-  
 ſtrandæ, prodierunt. Et Tu Cæleſtis Aries, ſereniùs ad-  
 huc micares, ſi Tuorum, quibus effulges, numero Astro-  
 rum, hoc unum ZALVSCIANVM Sidus adderetur.

Iamq; in eruditum Minervæ ſtadium educebaris, cui  
 non pauciora Eruditionis quam Virtutis Tuæ veſtigia,  
 ſupra omnium imitationem ſæculorum impreſiſti. Nul-  
 lam Tuæ parem Verecundiæ roſam, æquale nullum Tuo  
 intacto Candori lilium, totus Apollinis hortus educabat:  
 Tu inter omnes Poëtarum, præcipuus integritatis flos

I emi-

a. c. Vell. Pat. l. 2. b. Primi ignem accenderunt. Delrius in Sen.



eminebas. Quoties cum alijs adeundo Heliconium inspiceres flumen, nullam citiuslympido aquarum speculo, quàm Tuam tenerrimam præ alijs in vultu Pudicitiam, exprimebat. Et quanquam alterum Te, in illo, Narcissum omnes contemplarentur, omnes dum in Tui, simul Virtutis amorem accendebas. Cùm esses Pòetarum primus, Tuus tamen Candor nihil minùs sciebat quàm fingere. Cùm ubiq; in Apollineo nemore ambulares inter laurus, nullam Veneris taxum aspexisti; maluissesq; funereâ cupressu, quàm Adonidis myrto coronari. Omnia, Homero Vatum Antesignano, perquam similimus, nisi quod oculatissimus esses ad ea, in quæ alij impingebant. Non tantùm Maronis Dido- nem, sed Sybillam fugiebas, quòd Æneam duxisset ad inferos. Omnes Tu æqualium comestationes, ceu fata- lia Cìrces pocula, aut Socraticam cicutam averfari; mal- leq; in mensam, unum Virgilianæ Æneidos folium, quàm extructam epulis lancem inferri. Sciebas nempe, Hiacynthum ab Apolline, non litro sed disco interem- ptum. Ipsum oderas Parnassum, quòd uno colle, Bac- cho sacer esset, vinaq; funderet, quæ multorum sibi luxus & vitia propinarent. Optabas pluribus, quàm nume- rent Poetæ, pedibus, ad virtutem, ad metam immortalita- tis contendere. Cùm altum Parnassi subires montem, accusabas non esse altio- rem, ut minùs ex illo distares à Superis. Etiam, velut Religiosus quidam Apollo, ita il- lius culmen dividebas, ut in illo Tecum sinistro Musas eruditæ, potiore altero, omnes Virtutes collocares. Iamq; Tu, ex utroq; cuncta inferiora Te, aspicere; omniaq; Tibi tam esse levia, ut ad quæcunq; omnibus ardua alijs, Tuo nonnisi descendere ingenio videreris. Cùm in illa tum Urbium, tum omnium Metropoli studiorum Cracoviæ versaberis, quemadmodum in IAGELLONICI illius Athenæi \* SCIRPO, tam Tibi nullus literario Tuo in profectu nodus occurrebat. Sed num RAVENSIS obli- viscar Lycæi! cuius VOLVCIANVS\* VRSVS ad invi- diam

Regi Fun-  
datoru sse  
ma Iuncem  
Manipulus  
\* Palatini  
qui funda-  
vit.



diam <sup>a</sup> illius, qui unum nonnisi; tot ipse patrio ferendo  
 Cælo Atlantes, hoc est, Præsules, Senatores, nunc quoq;  
 superstites, recenset à se olim educatos. Quantum Tu  
 hic implere theatrum! quantus omni monstrari in sce-  
 na! Te unum omnes sibi ostentare Minervæ porticus,  
 à Tuo vultu, à Tuis nutibus, ab ore Tuo, velut apes à  
 flore pendere universi, nisi, quod ex Te legerent, omni  
 suavius Cecropio melle reputarent. Omnia literaria  
 optare ambulacra, ut vel semel illis incederes, accipe-  
 rentq; Tui vestigium, quo, sequentibus commendabilio-  
 ra ætatibus evaderent. Quotiescunq; doctam intrares  
 Cyrrham, grandem omnibus illius incolis ciebas conten-  
 tionem, ne ipsum crederent venisse Apollinem, quod  
 non minores ex Tuo, quam illius vultu, illustres inge-  
 nij radii emicarent. Iam Te uno omnis ubiq; Vatum  
 chorus resonare, omnes sibi, Te, suorum indicere mate-  
 riam carminum, Tibi suos acuire calamos, nihil læ-  
 tius ad Phæbi cytharam aut grandiore sono ad Melpo-  
 menes tubam, quam si Te juberentur, decantare. Iam  
 quoties VOLVCIANVM respiceremus ANIMAL, pu-  
 tabamus à illas voces, & Te sub Astra efferentium cla-  
 mores, vel Zodiaco exterritum, vel sponte, ad illud, in quo,  
 Atticis dulciores eruditionis Tuæ recondebas favos, Al-  
 veare Tuum, Cælestem Vrsum descendisse. In illa verò,  
 quam dorso ferebat, Regali \*Virgine, ipsam suspicabamur  
 venisse Palladem, nolleg; hic aliter, quod Tu angustum  
 illud Lycæum, amplâ quadam literarum mutasses regîa,  
 quam Coronatam apparere. Iamq; illa, suas, Te tan-  
 tum inspecto, elevare manus, gestu velut altissimi do-  
 loris, non Te, citius ipso Iove, procreatum esse, ut ex  
 Tuo potius, quam illius cerebro nasceretur. Sive verius  
 utramq; illa efferre dextram, laboriosis Tuis demulcen-  
 dis conatibus, vel docto frontis Tuæ sudori extergen-  
 do; aut ambas ipsi porrigere procul cælo, novamq; Tibi  
 à superis poscere lauream, in Tuum, ipso ex æthere, ver-  
 ticem deponendam. Atq; impatiens, Tua Tibi ab Olym-

\*Stemma  
 RAWICZ,  
 seu Virgo  
 coronata  
 Vrso insi-  
 dens cur-  
 renti, ma-  
 nusq; su-  
 blime pro-  
 tendens.

Iam ab Vrso nutritus.



po differri præmia, attollere manus, propriumq; capite  
suo deripere diadema, quo (si in hoc citatissimo feræ, quâ  
fedebar, cursu potuisset) quo inquam Princeps Tuum In-  
genium coronaret. Et qui nobis non grande jam tunc  
SIDVS habereris, qui eodem loco, quo, Cælestis cum Vrsæ  
Virgo, radiabas! Sed hoc ipsum quoq; est, quod tam inci-  
tato se hinc auferre cursu cernerentur, ne ambo, quan-  
quam tanta alibi Astra, Cælestis Virgo, Vrsaq; Major,  
coram Te Maximo in terris SIDERE, minora appa-  
rerent.

Iam magnitudine Tuâ excedeabas Poloniam, & adhuc  
crescebas. Coacti nostro Te dimittere, aliarum Regio-  
num cælo exoriturum; ut tantisper Tui absentia nostras  
dissimularemus angustias; Tu quoq; parceres Patriæ, ne  
Te uno Maximo Cive suo minorem se quotidie aspiceret.  
Non statim verò nobis totus abieras, & quanquam ne Te  
nostri impatientia amoris rursus sibi revocaret, etiam  
festinares, tamen facere non poteras, ne non lentè, &  
velut per partes, Tuâ deferente illum magnitudine, no-  
stro totus exires oculo. Cùm nos postridie, eodem su-  
premorum heri Tecum amplexuum loco, nostra refer-  
rent radia, adhuc ex illo, procul, aliquid Tui ipsius cer-  
nebamus; maiorq; tanta ex distantia, quam alij, ipsa sui  
vicinia, nobis occurrebas. Intra quod spatij longissimi  
intervallum, jam nobis turres montesq; occultato vanu-  
issent cacumine, adhuc se aliqua Tuæ sublimitatis ima-  
go ostentabat. Itaq; attoniti spectaculo, æstimabamus  
SIDVS nostrum semper maximum, quod tardius nobis  
ipso occideres Sole; cùm illum aliquot nobis avehere to-  
tum, horæ possint, Tu pluribus eguisti diebus, ne jam  
aliquid Tui, sequentibus Te oculis alluceret. Iam  
quoq; insolitis laborabamus votis; nil enim minùs Tibi  
optabamus, quàm quamlemcunq; Tui accessionem; aut  
certè ad quotidiana Tui incrementa, Regnum quoq;  
nostrum, Tibi ex reditu olim capiendo, fortuna melior  
dilataret. Quantus verò ubiq; obversabar is omnibus!  
ubiq; Te populorum stipare gaudia, omnes suæ arridere  
feli-



felicitati, quæ illos in hunc usq̃, quâ Te intuerentur,  
 diem reservâset. Nil se hæcenus vidisse inquiebant  
 grandævi etiam senes Tibi simile; timebantq̃ diu Tuo  
 hære lateri, ne illorum senium, ab omnibus audirent  
 Tuæ adolescentiæ posthaberi; quòd maior in Tuis mori-  
 bus, quàm in illorum vultu canities reluceret. Ipsi certè  
 tacitâ recedebant sui intus admonitione; & si vetera-  
 nos dierum Aesones quæcunq̃ recoqueret Medea, nun-  
 quam evasuros, quales Te festinata Virtus Tua exhibe-  
 bat. Iam & ipsa suis Iuventus plaudere annis, quæ, in  
 Te, senum reverentiam occupabat. Vbiq̃ enim, quemad-  
 modum non ulli decrepitæ ævo auctoritati, Tibi omnes  
 assurgebant; fatebanturq̃, si Iuventæ specie, Viri ter-  
 ras reviseret, non aliâ, quam Tuâ, mortalium venerati-  
 oni occursum. Quæcunq̃ incederes, plenus obire  
 plateas populus; omnes, se unum, inter concursantium  
 millia mirari; nihilq̃ ferre acerbius, sibi de Te dici,  
 quàm Te aliunde advenisse, sollicito statim illorum dolo-  
 re, quòd Te rursus essent amissuri. Omnes Te frequen-  
 ti per vias deducere agmine, venire, notare Tui hospiti-  
 um, ut ex negotiorum suorum intervallo, iterum Te vi-  
 suri advenirent. Beneficium ingens populorum afferre  
 desiderijs videbaris, si Te quandoq̃ illis quas inhabitabas,  
 apertæ ædificiæ fenestræ, ostentarent. Omnes Te jã præteritu-  
 ri, vix non in tergum mutare passus, ne non continuo  
 Te suo haberent præ vultu. Ipsa se Urbium attollere  
 Pergama, velut de hospite certare Iulo; & diductis latè  
 portis Te sibi suspirare. At verò vix non alijs maior,  
 alijs simul cras infelicior, quòd propè esset, ne ædibus cum-  
 ctis Tua Te excluderet magnitudo, cogererisq̃ sine li-  
 mine, sine tecto habitare. Haudq̃ aliter Tuo evenisset  
 incommodo, nisi se Tuo, non jam Te comitatura tan-  
 tum, publica Mundi Virtus, pectore recepisset. Nun-  
 quam tã Grande Par, usquam vel immenso se tendentes  
 ambitu æreus triumphales subiisses. Attamen Tuâ Te  
 Tuis usibus arctabas modestiâ, magnâ Te ipsum parte  
 Tibi submovens, ut ubiq̃ interesse posses, quo Te no-



væ eruditionis desideria, quò cunctorū amor ducebat  
studiorum. Academiam LOVANIENSEM, omnium  
Arcem ingeniorum ingressus es, ut statim illi præfici  
posses; haberesq; quod illic ipse doceres, nisi Te venisse,  
ut disceres, simulasses. Ex Te patuit, non quemad-  
modum temporum, in Polonia etiam frigus esse men-  
tium; sed fluere semper in animo Castalim, Hippocrenen,  
& si Vistula Vartaq; congelarent. Metiebantur ex Te  
omnes, non tantum Polonos bellando fortes, sed dispu-  
tando esse; facileq; ab Aquila nostra, exteræ noctuam  
Minervæ superari. Romam adisti, ut Tuo illic inge-  
nio triumphares. Ipsa, quæ in Capitolium, ad Tui Te  
locum triumphi, via ducebat; dignum omnibus Veterum  
laureis, nisi profanas putares, quas suo depositas sinu Sa-  
crilegus Iupiter collegisset. Ipse Tiberis non tam flu-  
ctu quam lachrymis tumescebat, videre Te Gemmam ex  
Istulco littore, qualem haud unquam in suo aspexisset.  
Alio tamen ex alio, seu invidia seu maiorem gurgite ab-  
sorbens, in Tui se aspectum, Te pro Roscijs omnibus  
Tullijsq; admirans, erigebat. Imò omni incitato vor-  
tice allapsus ripis, feriebat Tellurem Romanam, in  
qua necdum Tibi Tuoq; positam ingenio videret statu-  
am. Iam jam altiori tempestate supra littus abire mo-  
liebatur, omnium aliorum, quòd Tua illis necdum ad-  
deretur, Poetarum Oratorumq; Colossos, eluvione suâ  
eversurus. Aliarum Te quicumq; obvium sibi haberent  
Amnes Fluviiq; terrarum, Te è longinquo conspicati se  
levabant sublimiùs, ut par Tibi profundum mentiren-  
tur, ex quo tot ubiq; immensi suadæ Tux latices proma-  
narent. Interim fatigato recidentes fluctu, placidè  
ad Tuos se pedes impellebant; quasi, ut illis parceres,  
apud Te flagitarent. quòd Tui æmulatione, altiùs quàm  
irent hactenus, ascendissent: iam se utiq; ceu à flagitio  
sibi iratos spumare, & pulchro se Tux testimonio su-  
blimitatis componere, ut appareat, omne ubiq; profun-  
dum, vix Tuum attingere vestigium. Aureis Hispaniæ  
Tagus suo coram Te relapsurus fonte timebatur; quòd  
cer-



cerneret pretiosorem Eloquentiæ alveum Tuo affluere pectori. Iam retro, quidquid hætenus in littus extulisset, decumano emovebat gurgite, ad se revocans, ne illum puderet diutiùs, non habere, quod Tuæ posset auro Sapientiæ comparare. Hinc erat, quòd quacumq; incederes, innumera Te mirantium turba circumstaret, omnes foro publicisq; porticibus desertis, à Te, Tui alloquio, pretiosa mercarentur oracula. Nihil putabant opulentius, omnia apud se Emporia, quàm plenissimam omni eruditione Pectoris Tui Gazam explicari. Erat tamen quædam perpetua Tuo seu Scientiæ seu Virtutum Thesauro injuria, nunquam parem sui habere spectatorem; quamquam enim plurimi accurrerent, etiam infinito spectantium numero plures Tuæ erant mentis opes; atq; innumeris alia apud Te spectantibus, innumera alia spectari merebantur. Dicam semel: ubiq; ingens lapsus axe SIDVS colebaris: & velut hoc, ipso sui aspectu, injicit illecebram attonitis, nec numerare pupilla radios potest, in luce illius demersa; illustrari se ipsa videt, nec fulgur illud quamvis scintillâ contractum, nisi immenso splendorum metitur Gazophilacio, ex quo novus semper fulgor vibratus educitur; sic, Tu tantam Tecum seu Eruditionis, seu Virtutum lucem, & si sub insolitæ spario modestiæ circûferebas, in quam, nec Orbis oculi, aut generis humani admiratio suffecisset.

Post funestum MICHAELIS Poloniarum Principis excessum, solus Tu, non ullo ambitu, sed omnium calculos, seipsâ occupante Virtute Tuâ, in hoc electus es, qui Aureum ab illius pectore Vellus, juratâ Regnorum consuetudine in Hispaniam reportares. Quantum hoc? pretiosum Regii Cordis ipsius monile, Tuis imponitur manibus; circumfers in via, quod illi supremum ubiq; fuerat ornamentum. Quis Tuo invideat Honori, si illum Mors Tibi cæca prospicit; si vel necato velut Angelo conquirat, quod Tibi deferatur. In quæ non succedere dignus summorum decora hominum, si istud post Michaelem (non aliud & Principis Angelorum nomen



est) obtinebas! Quamvis plenum Te Angelicis sciamus  
dotibus, ANTISTES MERITISSIME, si tamen ali-  
ter has nancisci nequires, nova ipsi Olympo, indiceres  
Tibi exornando certamina, atq; veriorum aliquem ex  
Immortalibus Genijs, præ Castore Pollucem fortireris; o-  
ptaretque occumbere Angelus, Tibi, fato thauatur-  
go decora sua relicturus. Quas tamen hîc, hoc Legatio-  
nis susceptæ munere tot obitis à Te Regionum viis, Tibi  
laudes colligam! Ivisti, & ne solus illo gloriaretur Oriens,  
alterum Occidenti Chrysestomum iurasti. Si tamen  
hæc dicenda hominis lingua est, quæ pro ipso etiam Mi-  
chaele perorabat. Profectò grandior nunquam vox  
Tua visa, quàm, cùm ipso procul audireris Occidente.  
Hispaniarum Grandes, Te loquente, minores se reputa-  
bant; & tantùm non isto se appellari nomine prohibue-  
rât, à quo Tudie, illorum Senatu constitisses: tantùm  
illis primâ Tui mensurâ de suæ majestatis magnitudine  
decedebat. Ipse LEO Hispanus rugire velut oblitus,  
te unum audiebat; perpetuo sibi indicto silentio, ne ali-  
quid illi, inter sua confusæ murmura vocis, de Tua exci-  
deret. Totus ZALVSCIANO adludiebatur AGNO,  
totumq; se illi in pulchros amicitiae usus componebat.  
Attamen pudebat coram hoc rugire illum posse, cùm hu-  
ius ore, non terror, non minæ, sed sola se suavissimo genti-  
bus sono mista Clementiæ Innocentia explicaret. Ipsos  
suos abscondebat ungues, ne isti non similis incederet.  
Interim specie blandâ, magna insidiantis vota alebat;  
nihil enim sibi Hispaniarum Leo datâ à Superis optione  
libentiùs, quàm ZALVSCIANVM AGNVVM rapuisset.  
Nihil quoq; Tibi jam erat difficilius, quàm persuadere Hi-  
spanis ne hunc præeligerent, & si proprium illis aureum  
attulisses. In se pollicebatur Tagus, novo, se in monile  
insolitum, Tibi sudaturum auro, quo ZALVSCIORVM  
AGNVVM, præ corde suo, Hispania circumferret. Sed quid  
isti gratiùs, aut ad gloriam ornatius erat, quàm ita semper  
IOANNIS III intimum tenere pectus! ut vel ideo, ille,  
Regno nostro efferri debuerit, ne ullus propiore se huius  
late-



lateri cordique admo-  
 veret. Tanta ubique Tuo ex vul-  
 tu, ex ore, moribusque, Magni splendor Legati promica-  
 bat, ut Tecum in Hispaniam, hoc est, ipsam Solis regionem  
 nova subintrasse lux videretur. Non nisi Pulcherrimi  
 instar Sideris in occasu eluxisti. Ipse, Te viso, Titan  
 altum trahere vultu ruborem, quod necdum illius sed  
 KORIBVTHIÆ LVNÆ Nuntium ageres. Quam ve-  
 rò familiares Tibi faceres ubique adhuc splendores, si ad  
 ipsum Solis cubile admissus es! Totam Tibi, Hispaniæ  
 Phœbus, recludebat Regiam, illā Te invitans, ne adhuc  
 illius obambulans regione, præ illo, Te cunctis placere  
 contingeret. Iam omnes Poloniam, Te præsentem, ritu  
 Phœnicensium, velut Orientem. respicere, grandiusve  
 quidpiam de Vistula quam de Iberio mari suo cogitare,  
 ex quo, tam ingens illis lux tecum promanasset. Sol  
 ipse, quotidie solito citius nubibus erumpere, prævenire  
 Phosphorum; rursus exire tardiùs Cælo, suumque revehi in  
 pelagus, ne Tu, in ipso illius regno, novus præ illo Ti-  
 tan legereris. Semper pulchrius repexos Thetydi,  
 efferre radios, totaque vultum comere serenitate, ne  
 quid minùs apud illum, quam in Tua facie reluceret.  
 Omnibus semper obstabat à fronte nebulis, ne si qui  
 vultum Tuum semper placidum, nullo temeratum nu-  
 bilo aspicerent, illius ubique suffragia mereretur. Iam  
 ipsas Herculis metas Tua attigerat Gloria, jam ad  
 Calpen & Abylam Tuæ legationis vox refracta, Indicum  
 circumsonabat Mare, omnesque Tibi arrigi Insulæ, &  
 inter grandes Oceani Balænas, grandiora operum Tuo-  
 rum natate prodigia. Vix arduum remensus iter, Rei-  
 publicæ receptus, in ipso Tui amplexu, Tibi \* remotas  
 ostendit Gallias cum IOANNIS III. Regis electi nun-  
 tio adeundas. Quas hinc Tibi vires novo Superum bene-  
 ficio auctas accepisti, ut velut postliminio tanti molem  
 negotij exantlares! Ergo cum CLYPEO

*a. Attollens humero Famamq. & Fata Nepotum*

Regis, post Reges natos Felicissimi Bellicosissimi, ivisti,  
 illum Regnis monstraturus omnibus, quibus illum pro-

I.

regen-

\* Cælestiū  
 Natura se-  
 per in mo-  
 tu est. Api-  
 ce SIDERA  
 mundum  
 illustran-  
 tia, nullū  
 illorū per-  
 stat; labi-  
 tur assidue,  
 & locum ex  
 loco mutat.  
 Sen. Conf.  
 ad Helv. c. 6



regendis parem, ipso demissum Cœlo Polonia accepisset. Novus Sanctioris præ Romano Poloni Numæ Salinus videri poteras, si cum hoc Ancili, tua solum exultassent gaudia, & non ubiq; Provinciarum Urbium Regionum illi festivas exilire acclamationes coegisses. Vbicunq; adesses, explicabas ingens ferri Volumen, & scriptos in eo, Victore Ense triumphos, quorum ne pars quidem toto Ajacis vel Achillis Scuto posset exarari, numero, omne illorum spatium superante. Iam Te ipsa comitari metuebat Fama, hâc territa Ægide; jam & Tubam posuerat, ne aliquo provocare bello videretur. Quanquam præibat Tibi, amotum ori portans Lituum, quod nunquam vocaliùs, quàm à Tuo Ore, TER MAXIMI REGIS Nomen resonaret. Vix Galliarum steteras finibus, quanti Tibi inchoari plausus! non læti tantum Incolæ, sed inusitatâ humanitatis æmulatione, Sequana, quâ hospes illibatus confisteres, totam abludere Lutetiam; ipsa Tibi assurgere Lilia, velut eripere se humo, Tibi Hortensio nostro coronando. Tu interim cùm IOANNEM III, Omnes Regum Optimorum, immo Immortalium Numinum Gratias loquebaris. Mars Gallicus se in tersissimo illius apud Te Clypei speculo mirabatur, atq; ab illo sibi horridiores in bella vultus, majores conflictui minas evibrari. Cùm verò ab hoc in Te revocaret obtutum, bis se, & Regis Poloniarum armis, & Tuâ victum eloquentiâ fatebatur. Iam ergo, quo ita & Tua & Principis nostri cluxerat Gloria, poteras inter inscripta Regio illius Clypeo & Tu SIDVS aliquod numerari. Illa utriusq; Legationis Tuæ expeditione exegeras, in quæ, vel Pyrrhi Cyneas, vel Agamemnonis Nestor defecisset; tamen maximas inter curas, hanc non deponebas unam, ut nostra iterum emolumenta Tui fatigatione lucrareris. Quanquam neminem jam, priùs nostra convenire comoda, ubi, si nobis planè exciderunt attollenda, vel nos per longinqua terrarum, fugientia, iterum colligenda sunt. Statim Te quovis, publico impellit bono, *Nescia Vir-*

tus



*aus stare loco ;<sup>a</sup>* Sidusq̃ erraticum dici posses, si quan-  
do tot decurrendo Terrarum Oras, in nostros errare u-  
sus potuisses. Velut tu primus Viennensem publici tu-  
bam periculi, clangentemq̃ metu Aquilam Austria-  
cam audivisses, à BRANDEBVRGICO MARCHI-  
ONE, præsentissimis subsidiis tuis, lapsuram Rem Chri-  
stianam erexisti. Planè tunc Mercurius quidam credi  
poteras, si quemadmodum ille Angues & venena Sci-  
pione tuo, non afflictae remedia Viennæ, languescen-  
tiq̃ sanitatem Europæ attulisses. Sine talaribus etiam  
alis, omni ubiq̃ passu tuo, in omnium amorem invo-  
labas. Vix tu illum Prussiæ Martem adieras, simul pul-  
sata, tuo Scipione, Ærarium illius cum Armamentario  
reclusisti, atq̃ isto bis majora, quàm optabamus auxilia  
armorum, illo in sex Menses, suorum sumptuum anno-  
nam condicto militi eduxisti. Et erat illud simile pro-  
digio, adeò ad Sacræ in Proceribus Infulatis aspectum  
Purpuræ semper effertum, te viso, re ipsâ non simula-  
tione tantum, se tibi in cuncta facilem præbuisse. Sanè  
videbaris tu illud ab \* Aquilæ Brandenburgicæ pectore ra-  
puisse Sceptrum, quèd tunc illi quidquid velles impe-  
reres. Aut tuum illi Caduceum omni opposueras ve-  
ste fortiolem, ne ullum, tam manifestæ in te, Fidei, Re-  
ligioni, ex illo, se, huius odium panderet. Ergo iam in  
ipso Aulæ illius Palatio, felicius, quàm illo Tarquinii  
apud Gabios, papaverum colla, tuo Triumphali Nuntii  
baculo Capita Turcarum Scytharumq̃ decidebant. Iam  
in totam Lauri vel Palmæ arborem effronduerat; un-  
de illum \* Strigoniensis, Setinensis victoriæ ramum defre-  
gimus. Quàm tibi Germaniam, Europam, insolito tunc  
obstrinxisti beneficio! Tu, eripiendo Turcico Paridi,  
Aureo Pomo, tot fortissimi militis manus advocasti. Tu  
illâ Mercurii Virgâ, altè nostras sopivisti calamitates,  
demortuasq̃ Austriæ Spes ex profundæ sepulcho stra-  
gis, & planè ex Orco, atq̃ ipsis ab Inferis suscitasti. Gra-  
vius quàm Stygium Clavâ suâ Hercules, tu Scipione  
tuo Othomanicos Cerberos terruisti. Tot ergo per lu-

\* Stemma  
Aquila pe-  
ctori Sce-  
ptrum præ-  
fixum ge-  
stans.

\* Milites  
hi strenue  
utramq̃ ad-  
juverunt.

L 2

stratis

<sup>a</sup> Lucani: <sup>b</sup> *Vngaria aureum pomum appellata.*



stratis non minùs tuo quàm nostrorum ubiq; deducto-  
rum tecum itinere commodorum Regionibus, <sup>a pars</sup>  
*mundi tibi nulla vacat.* In Hispania, Lusitania, Gal-

lia, & hoc quoq; Septemtrionis recessu, quidni Orbem  
integrùm, hâc non unâ amplissimæ Legationis tuæ Pro-  
vinciâ metiaris! Vt præ aliis in Te congestis aliunde  
laudum muneribus, ipsa Europa videatur, aut suo Tau-  
ro ademptam, ZALVSCIANO contulisse AGNO, aut  
in hoc, illani suorum <sup>b</sup> Coronam florum geminâsse. Nil  
nobis minùs, quàm quidquid totâ Europâ, à Tuo bene  
olet vernatq; ingenio; ita omnibus assuevisti illius lin-  
guis, ut cùm nullam non intelligas, disertius adhuc, quàm,  
quibus illius Regionibus propriæ sunt, Tu loquaris ali-  
enis. O sanè immensum hoc Os Pectusq; Tuum! quan-  
tum in illo Regnum Eloquentiæ! cui Gallias, Belgium,  
Italiam, Germaniam, Hispanias toto cùm Latio adje-  
cisti! ut tam multis respondere possis, quàm multi Te  
tot diversarum alloqui nationum; atq; ab eodem ore  
Tuo Sequana Scaldis Mosa Tagus & Tiberis fundantur;  
si non adhuc feliciùs latiùsq; exundant, cùm, per Te,  
Vistulæ influxerunt. Attamen LEGATORVM Facun-  
dissime atq; Felicissime, quod si Mercurius quodam suo <sup>c</sup>  
TEMPERABAT ASTRA GALERO, quæ ex illius  
profulgebant Capite, ne mortalem oculum toto sui a-  
spectûs splendore fatigaret, aut extingueret; in Tuo  
quoq; habet quòd obnubat Honor; iam reagentem tan-  
tos Aspectum Tuum fulgores ferre non possumus: ut  
nihil Tibi enixius quam GALERVVM voveamus.

Quo paginæ spatium immensas Tuas includam Vir-  
tutes! non illas omnes, par mundo volumen comple-  
ctatur. Deputatus Tribunalis Regni Arbiter, Tu Pro-  
batissimos Thebanorum Iudices per omnia referre,  
nisi quòd Tibi manus non deessent, quas pro legibus op-  
poneres; atq; illis appenderes Lancem Iustitiæ, ut æqui-  
us ex Tuis digitis, quàm ex ipso, à Superis affixa, pen-  
dere Zodiaco cerneretur. Immotam servabas utrinq;  
nullus illam vel turbo Potentium, vel assentantium

Favo-



Favonii, in aliam, præ hac, partem poterant inclinare; nulla etiam maxima auri pondera deprimere, quia nulla eo pertingere, quò Tu illam elevabas. Poterat tamen eadem, quæ Cœlestis, Tua videri Statera, quòd ad istam ceu ad vicina Sidera, omnium momenta rationum clarissima apparerent; præterquam, quòd longiùs, Tua ab iniqui Iudicis contagio, quàm illa posita in cœlo à nobis distaret. Non inidebamus Atheniensibus Custodes Legum Dracones, quòd sciremus, illis ut nomen & mores virulentos fuisse; neq; minùs Virtutes oppressas, illos adire, quàm maximo appropinquare Colubro timuisse. Intelligebamus, illas non posse illibatiùs custodiri, quàm ab AGNO, cui etiam ungves deessent, quo vel læderet aliena, cùm non eriperet. Omnes, quanquam non primus diceres, in Tuam sententiam, quòd rectissima esset, ambulabant; atq; sanctissimum sibi rebantur, etiam hinc *Sequi A G N V M quòcunque iret.* Feliciùs, quàm suò Ariadna Theseum, illos ZALVSCIANI Velleris filo, Iustitia, ex perplexi Labiryntho Iuris educebat. Nihil Tu omnibus, quàm hoc, voce altiori incutere; Iustitiæ

*a. In Templo, quid facit. Aurum!*

Omnes à Te auri globi, tormento dantium redibant. Et quamvis in mollem AGNI Tui lanam devolverentur, non secùs ab illius pectore, quàm ab adamantina procul Agide excussi recidebant. Aureus eras Iudex, etsi nil magis, quàm aurum fugeres. Antiquum Polonia induxeras Areopagum, nisi Integerrimum maximorum Sidus Iudicum Tuâ æquitate, omnem nostro Sarmatico intulisses lucem, ut illi b Atheniensi, tantummodò umbram reliqueris. Munificentia Tuâ, ipse Nilus fuit angustior; neq; septem tantum, sed innumeris à Te Ostiis, Tua in omnes beneficia refunduntur. Quod, rarissimè, & nonnisi ipso, vel supremi honoris sui vel majoris triumphi die, Cæsares Romani, Populo aut Militibus largiebantur, quotidie suum apud Te omnium Egestas habet congiarium. Prævenis Numen ipsum illius Officio, aliorum *ab oculis, lacrymas abstergendo,* non

M

quâcun-

*a. Pers. b. Athenis Tribunal in senectis.*



quâcunq̃, sed Auri Tui spongiâ. Pauciores iam has  
& DIVA, in Iaroslaviensi Ara, VIRGO volvit; ut hoc  
ingens quoq̃ Tuum inter omnia illius miraculum sit,  
minùs illam flere hodie, etsi Mortuo Numini parentan-  
tem, quòd ita illam Tuæ liberalitatis muneribus recre-  
âsti. Nullus iam dolori illius Campus est. Cùm hunc  
illi, Aurêâ Chrysostomus mutâsti Chersoneso, omnia huc  
illi gaudia relegâsti. Quòd verò sedentem aspicias; Tu-  
is iam illam ferendis beneficiis fatigâsti. Sub nimio il-  
lorum pondere assurgere non potest. Adeo feliciùs,  
quàm suo Philippus aureo asello, plures Vrbes; Tu omni  
auro potiore ARIETE Tuo, unam Tibi TVRRIM DA-  
VIDICAM expugnâsti. Ingens hic triumphus Tuus  
est, cui ipsa cecidit CASTRORVM ACIES ORDINA-  
TA. Sciet tamen, quæ deinde Tibi debeat, quod, tam  
multum de ZALVSCIANO habet AGNO, VELLVS  
GEDEONIS. Quàm Tibi integrâ Gloriæ Messe re-  
pendet! cui Tuas donâsti toties. Iam, quo, ita de se  
merenti, cuncta persolvat, Totum suo in sinu Tibi Nu-  
men explicat. Ostendit etiam, meminisse ipsum bene-  
ficii Tui, quo, tam multas illi deesse Spicas noluisti,  
FRUMENTVM FLECTORVM. De majori verò vel  
cum ARCA FÆDERIS convenire mercedis Tuæ num-  
mo non poteras, quàm, cùm ipsum Tibi, *in quo omnes sunt*  
*Thesauri*, DEVM porrigit. Non hîc Tuam ampliùs fati-  
gabo modestiam Tuæ memoriâ Munificentiae. Grandi-  
ores illius, & quæ totius illam Perennitatis oculis inge-  
rant, habere tabulas non potes, quàm ipsos Templorum  
parietes, quibus, hæc auro Tuo refulget annotata. V-  
biq̃ plùs à Te divitis metalli per delubra sua possidet  
Religio, quàm Tres Hesperidum, toto aureo horto suo  
colligebant. Ne in Cœlo tantùm, aurêâ Sanctitas plateâ  
incedat, hîc Tuo undiq̃ occurrit aurò. An postquam  
Sublimissimus in Templis stetisti Chrysostomus, hoc in  
illorum laquearibus, Capitis Tui aurum est? Novum  
certè Sidus & Sole ipso prodigiosius es; ut recta Tem-  
plorum, ipsosq̃ lapides auro mutes, non longo eges An-  
norum



norum spatio; paucos sæpe intra dies, hoc in illis operosissimæ Tuæ radii Munificentiaë elaborant. Vbiq; novas Mortalium devotioni moliris Aras; ubiq; omnem moves lapidem cultui Cælitum altius erigendo. Atque tædio quodam non statim de singulis grandi singulorum Ara merentis, in unam omnes evocasti. Quàm amplè illos adhuc habitare voles, cùm totum Pantheon, unum nonnisi Altare Tuum sit. Non jam memoremus sub unius ala muscæ integras Mirmecidis quadrigas, non apud Pyrrhum in unius annuli gemma omnes cum Apolline Musas; postquam tam innumera Beatorum agmina quæ solum capit Empyreum, intra huius Templi angustias inclusisti. Imò majus adhuc prodigium! ædes has, cùm jam omnes apud se Divos clauderent, Te adhuc complecti potuisse. Sed gaudete Terræ! nunquam tot hætenus peregrino ab Axe hospites aspexistis. Iam nostras amare noctes ceperunt Cœlicolæ, quòd huc illos Lucerna Agnus deducebat. At cùm Tibi omnis Divorum Phalanx commemoratur, necdum Polos reliquit; ubi tam Pulcherrimum Fulgentissimumq; Sidus videt, ipso se putat Cœlo habitare. Dubitare verò incipio, quod Te tam insolitæ Astrum Magnitudinis affirmem; cùm enim Supremum Numen singulis Divorum a *novam* suis præmio laboribus *dare Stellam* pollicitum sit, omnes sibi gratulantur, Te unum obtigisse.

Hætenus quoq; quæ Tua adhuc in Tuos vigilantia? quæ revocandis in normam, si quæ recessissent, sollicitudo! Vt non tam Tu, quàm Vivus Virtutum Zelus, Tuâ nobis occurrere sub insula videatur. Omnis, Diœcesis Tuæ Exedra, sublimis Tuæ in nos circumspeditionis specula est; quam ideo ascendis, ut ex alto melius nostra prospicias pericula; evulges flammam, si quæ, illam vitorum molitur scintilla, Tuarum disertissimarum Cōcionum torrente restringendam. Vix Tu è sublimi aliquando Te supra nos, Tuamq; singulis manum gestibus efferre, sanctior Iulius; quibuscunq; flagitiorum cohortibus, *b. Tua dextra silentiq; iussit,* ut quorum heri tu-

M 2.

mul-

a. Dabo illi Stellam novam, Apoc.

b. Lucan.



multuabantur in pectore, hodie vel jam pristinam mutâ-  
sent sedem, vel jam non adesse sentirentur, quod se ita  
recessu quodam composuerant, hesterni adhuc nutûs Tui  
formidine. Cùm jam animus Tuus æstu ferventioris  
dictionis incenditur, plura à Tuo quàm Periclis ore to-  
nitrua accendi, volare fulmina; quibus, si vel Cedris  
immortalibus antiquiora starent Crimina, coguntur  
procumbere, & elati tamdiu contra Astra fastigij super-  
biam in pulvere expiare. Dicam: quoties jam, (quan-  
quam id, vix cùm incipias dicere, mereris,) allapso ex  
Cælestibus Sphæris igne inflammari, spargis latè per  
omnes Sancti ardorem Incendij, ut cunctorum corda ve-  
lut Troja vel Saguntum videantur in favillam abitura.  
Non potes nobis aliter quàm felix cordium Incendiarius  
appellari. Si quæ in illo expanderentur vela Improbita-  
ti, illicò ad hanc nostri Archimedis flammam, ex luce  
reflexa, in Tui speculo exempli conflagrarent. In omni  
Parænesi Tua quandam nobis restauras Pentecosten;  
omnes Igneam verticibus nostris cernimus imminere  
Linguam, quam tamen nonnisi Tuam esse scimus; nisi  
quod illa se felicitati singulorum multiplicat, & cùm  
omnes plus minùsve remotiore spatio Te audiamus, illa  
tamen propè, incumbit omnium mentibus; flagrat ad  
fores animi, facemq; præfert, meliori, de Deo, ac Religi-  
one arbitrio, sanctiori de Cælo Vitâq; alterâ sensui, capita  
nostra subituro. Stat suprâ sacer fomes, & felicius quàm  
olim Senones Tarpeiam, totam Intellectûs nostri incen-  
dit Arcem, ut quanquam accensa Voluntas, multos in  
dies, uberes ploratus, totumq; lacrymarum fontem advo-  
cet, nil minus agat, quàm ne magis ipsa semperq; ma-  
gis inardescat. Certè nunquam Tua svada nostris tan-  
tùm defigitur auribus; altius se demittit, quàm ut pri-  
mo illarum hæreat vestibulo. Nemo est à quo non illi, vel  
aliter jubente scelerum inurbanitate, intimum pene-  
trale cordis recludatur. Quotiescunq; illo præcipuo  
PRÆPOSITVRÆ IAROSLAVIENSIS usu, ut probos  
redderes, quos Tuos scires, illius subires Cathedram

Eccle-

Eccle  
Anti  
Vrb  
Nar  
& q  
lis o  
Nur  
mur  
gna  
pæn  
rati  
in o  
acul  
cum  
moc  
serv  
quo  
res  
ban  
gro  
Der  
ex  
loc  
me  
lun  
  
pl  
rà,  
An  
rin  
ter  
sen  
pla  
tor  
fel  
Ca  
tan



Ecclesiæ non aliter ad Tuum, quàm Chrysostomus ad Antiochenum Populum perorabas. Quandam nobis Vrbs illa, ex Tuis concionibus Antiochiam referebat. Nam & si illi non Terræ, frequens cordium motus erat; & quamvis non Incolæ, optatiùs cum suis vitia habitaculis concidebant. Parum istud: quoddam Tu supremum Numen Concionatorum, ceu Iupiter ille, quâ parte mundi lubet, cogit nimbos, aut serenitate nebulis repugnat; sic Tu, quibus velles animis lacrymas nubilosq; pænitentiaë dies, aut hilaritatem, qui bonis conscientiaë rationibus sibi constarent, inducebas. Procul Tu illos in dicendo detestatus, qui fucos non Apes imitantur, aculeum habentes sine melle, & quantumvis maximo cum sono nil usquam dulce afferentes. Tuis quemadmodum in actionibus, sic & dictione nil non dulce est; servat ipsa, si quos insectaris, pæna sævitatæ. Pessimos quosq; oblectas, arguendo. Omnes, Tua facundia, lepores habet; & si Græci Romaniq; Oratores rosas comedebant, ut floridiùs perorarent, Tu non flores sed integros loqueris hortos Oratorios. Ipse Roscius, Cicero, Demosthenes, si viverent, optarent in Apes mutari, ut ex illis nova sibi conderent mella, dulciùs deinde ex Te locuturi. Plus linguæ Tuæ, quàm Hyblæ, quàm Hymetto inest dulcedinis. Non invidemus antiquis sæculum, quo illis,

*a. Flumina jam lactis, jam flumina nectaris ibant;*

plus utriusq; nobis, cum Tu differis, ab ore Tuo, unâ horâ, quàm illis integro fluxit sæculo. Novus ævi nostri es Ambrosius; ut cum Apes illius labris sedulæ mella intulerint, ex Tuis illa possint exportare. Non ipse ita Iupiter, cum satur Nectaris & Ambrosiæ à mensa surgit, ut Tu semper dulce loqueris. Sic Tu, aliorum vincis exempla, seu quibus dulce loquendi pondus, seu minæ, visq; tonandi, orationem suam commendabant. Quàm id feliciter experiebamur, quoties ad nos de Patientis in Carne DEI cruciatibus differebas! Cum Te plenæ erga tam sævè habitum miserationi permitteres, quàm omnia

N

ubi-



ubiq̃ dolori exclusa, ut totus suo regnaret affectu! quàm omnes illi consentire, priusquam nobis venas pertentaret! ut nostrum illi totum cor expansum! ut omnia ab illo, in hoc tenero, expressa! ut quoq̃ plùs quàm sacrâ Veronicæ telâ, totum in hoc Passum Numen pingeretur. Cùm verò ultor immanitati instares, nos etiam ceu dato classico, sub signis Vindictæ stare. Non ita Facundissimus Romanorum Antonius, ex curia Romana, Iulii Cæsaris laceram vulneribus ad circumstantes efferens vestem vehementi ad ultionem instigare concione; ut Tu cùm ab Exedra illud Regis Dolorū Paludamentū, hoc est Carnem illius, innumeris detritam flagellis, non scissam sed altis ictibus effossam, ad audientes luculentâ prosequeris parœnesi. Iam toti vel in antecessum ardebamus vindicias, jam Hierosolymam fortius ipso Tito Vespasiano, oppugnabamus; jam cum eadem illa Longini hasta iisdemq̃ carnificum flagris & omnibus necis instrumentis irruebamus, vel internecioni daturi gentem sævissimam, vel gravibus verberibus ipso pulsuri ab Orbe, ne superesset ex illis, qui istud admittere posset. Iam iniqui Iudicis prætorium, ab ipso in stragem moliebamur fundamento; jam Portarum ruinis, platearum aditus impediabamus, ne vel alicubi Illibatissima Sanctitas fædo subigeretur edicto, vel omnibus colenda Templorum Altaribus, ad illud immanissimi Dionædis stabulum duceretur. Ipsum etiam Calvarium montem fossorio differebamus opere, ne nostris se efferret oculis locus, in quo ultimi Ara supplicii, Victimæ illi poneretur. Cùm verò rursus lenior, fluentiq̃ in teneritudinem sermone positum in pænis Numen interpellares, continuo illud nobis in horto esse videbatur, ubi Tu illud suavissimo Tuo planèq̃ affatu Angelico solareris. Ipsas exarmabas spinas, & dirissimo illi ferto, quot verba proferres, tot flores illigabas, Innocentiæ molliùs coronandæ. Iphis gravis eras Cruciatibus; & suam Crudelitas clausisset officinam, nisi illam Deus in promendam contra se pænarum suppellectilempatere voluisset. O TE SIDVS Nostrum



strum in illa hora tenebrarum afflictissimum! & Tu non ferebas tantæ immanitatis spectaculo interesse; Teq̃ luci Tuæ mæstum involvisti. Nempe plebeia lucerna erat, quæ tunc lucere conquiendo in necem Deo posset; non ipse Titan, non Cœleste Astrum, quod mallet tristibus subdi umbris, quàm pleno Hierosolymis scelerum theatro affulgere. Vbiq̃ sibi Tuam Religio Fidelq̃ vocem conducit, pretio sui ipsius. Quis Te fortiùs pro illa, in Senatu suæ arma Dictionis conferuit, cùm, illam cæcus ille, totâ tamen armatus impietate Andabata Lyczynyus oppugnaret? Quantum jam virus, Reipublicæ corpus pertentare, nisi, Tu quoq̃ illi, ore Tuo sanitatem adhalâsses. Plenum, scelesto illi, daturus ab Orbe exilium, aquâ illi non igne interdictum voluisti. Damnaâsti rogo, indignum luce. Infaustum improbitatis exitum atro notaâsti carbone. In Polyphemo illo infami, ipsam Impietati pupillam, flagranti titione exulsisti. O hunc illum Tuum, simulq̃ Fidei communem triumphum! Nunquam Tui Nominis aurum pulchriùs, quàm his probare flammis potuisses. Ita profectò est; magis Tuæ æstu Eloquentiæ, rogos ille, quàm, alio quocunq̃ facem subiciente, accensus est. Plus, quàm olim Phæeton in mundum toto solis curru, Tuâ in illum linguâ, ignium invexisti. Planè **DECRETORIVM** contra illum **ASTRVM** effulsisti; ut superbire Hydra illa possit, non quocunq̃, sed tanti exustum Sideris igne, caput posuisse. Sonabit verò perpetuò in totius memoria Posteritatis, illa Tua intentata Atheismo Parænesis; ad quam non Hominum tantùm, sed Plutoniæ aures, tanti consciæ sceleris tinnierunt. Ipsam rursus exusti sacrilegii movisti favillam, & cinerem illius, ne quâ tutum lateret, excussisti. Interea, tantâ totius pectoris incitatione, gravem illam Philippicam insonabas; tanto, Templi parietibus, vox Tua ictu allabebatur, ut ex omnibus illius saxis, ceu filicibus, ignem rursus eduxisset cremando flagitio, nisi totum nuper feralis pyræ suggestu deflagrâsses. Is es Præsul Modestissime, ut Te nostris quoq̃ vitiis incli-



nes: Quoties, velut Tui oblitus culminis, illuc Te de-  
mittis, ubi infimis quoque nostris reatibus adearis! Quàm  
sæpe pro sacro ipse sedes Tribunali! quàm sese apud Te  
accusare improbissimi! quibus nullum aliàs majus re-  
medium, quàm si se tales, Tibi fateantur. Ita est; quàm  
plerisque adhuc illa Domi suæ essent, nisi ad Te sua cri-  
mina detulissent. Accusare illa coram Te, fuit illa ex-  
stirpare. Nemini placere poterat, quod ex Te audiis-  
set, Tibi displicere. Nulli verò licebat Te adeunti,  
non depromere scelus, quòd attinere sine novo scelere  
non poterat; Tu, quidam etiam vitiorum Magnes,  
statim omnia unde quaque educis, non tamen ad Te tra-  
his. Peritissimus noxarum Incantator, omnes abditis-  
simo evocas pectoris latibulo, & cum Tuis transmittun-  
tur auribus, non intra Te, non amplius usquam sunt.  
Ad Tuæ enim fundum mentis tam altæ, nunquam pertin-  
gere possunt, redire quòque illis non licet, cum illic à  
Tuis circumventæ Virtutibus opprimantur. Non hìc  
filebo probatam multis Fortunæ Suæ experientiam;  
plurimis, Tibi tantum appropinquasse, fuit velut multo  
leucarum intervallo, à flagitiis suis recessisse; quòd  
monstra illa è longinquo suum timent Domitorem.  
Quàm multi, ad Tuam, capite inclinato aurem, ceu, va-  
cuae mercium Naues, ad ditissimi Portam affluere Em-  
porii, & hinc demum efferendo, remeare plenæ opum;  
non cum Cæsaris, sed cum ipsius, quia nostram, propriam  
putat, Numinis fortuna, navigare! Tu omnes, egenos  
rectefactorum, divites dimittis; cum, a Te istud moniti,  
deinde in diem plus Virtuti, quàm multis annis, flagi-  
tio conducti laborarunt. Adeo & ZALVSCIANVS,  
planè AGNVS sceleribus Orbe efferendis! Quàm verò  
novum hoc! illa gravia camelorum onera, teneram  
ferre Pecudem; non laborare sub turrata Criminum mo-  
le, qualem nec maximus Elephantorum, tergo suo ex-  
tulisset. Interim totam Babylonem sibi imponi sustine-  
ret, ut illam scopulo, hoc est, ipsius demitteret Cruci  
Numinis allisam, vel non enataturam profundo  
fan-



sanguinis illius excuteret Erythreo. Verùm tamen si in quo *reficit Charitas*, an alio melius quàm istius vellere fo-  
veatur! Gratulantur sibi omnes à quibus in libra, hoc est, malè cœlestia terrenorū cōparatione expédētibus recesserat, rursus in Ariete Solem Iustitiæ rediisse. O Sidus Indulgentissimum! quàm multa, Te nobis lucente, si omnia infelicissimè amissa, si nos ipsos æternū non reperien-  
dos invenimus!

Quid, Tua planè Inusitatæ Eruditionis recenscam Mo-  
numenta! anni me, non dies deficerent, singulis evol-  
vendis. Possunt & Tui jam Fasti, nobis novam implere  
Bibliothecam, in quam, si perlustrandis illis, ducamus  
peregrinis venientes ab oris, monstremus, quæ scire,  
quæ legenda aliis lucubrare possimus Sarmatæ; agno-  
scantq; esse Polonis Senatoribus, Episcopis pennam,  
quâ facile supra exterorum evolent ingenia Icarorum.  
Iam Libri Tui per omnes Bibliopolarū officinas præcipui  
ubiq; poni; cuncti de his, illas primis adire; despiciere  
alias, quibus vel innumeri sine Tuis adesse; & putare vi-  
les rudescq; quæ necdum procurârunt Tuos, vel non sta-  
tim, præstantissimum pretio opus poscentibus, è Tuis  
aliquod nominarent. Quàm multi Librariorum, cum  
Tuis doctissimis paginis, suam sibi felicitatem expref-  
ferunt! Cum his, divitias suas possident; singulas il-  
larum vendendo, fortunam emunt. Non ego sum, qui  
Divinæ plenos mentis Tuæ, explicem hodie Codices,  
merearq; illos tenere præ oculis Famæ; ipsa illis sedula  
quotidiè incumbit, cuncta perlustrat, ediscitq; narran-  
da sæculis, ut grandia, inusitata, semper afferat. Quem  
verò illi præclarissimo Volumini Tuo, non Polonum  
tantum, sed Reipublicæ totius Catholicæ Senatorem im-  
pressisti! Omni folio ipse videtur sedere Confus, cum  
nostra consultare fortuna, simul & responsa dare Virtu-  
tibus. Nihil, ab illis, non utriq; opportunum haberi; sic  
enim Orationem amas doctam, ut non excludas piam;  
consilia nobis fundas, quibus, non tantum felices effi-  
cias, sed probos. In altero facundissimo Codice Tuo;  
O *...* pul-



pulchrius à Tui luce Ingenii, quàm suis ardet ignibus Hymenæus. Pretiosius Tuâ suadâ, quàm auro suo, illius evolvuntur Annuli. Nullam, in omnibus illis, parem Tuæ gemmis Orationis habet, quas tamen tot illi affundis, ut Tibi ab ore non Tullianum aliquod flumen, sed locuples quidam Eloquentiæ Pactolus fluere videatur. Itaq; in pagina quoq; novum instituitur Epithalamium; hoc est, Tuæ Eruditioni ipsa nubit Gloria. Quâcunq; verò ingentia mortuorum celebras funera, atq; super tumulo peroras, ad primam Tuam vocem, plures ab illo, quàm Orphei sepulchro audimus lusciniæ. Ipse si sepeliretur hodie Isocrates, nollet ullam sepulchro suo Sirenem, si Tu illius cineribus accantares. Mors ipsa accusat, se surdam esse, quòd Te non audiat, cùm jam quodammodo incipiat audire, Tuæ vocis suavitate, illius vincente surditatem. Frustra à nobis inferri tumulo putamus, qui Tuâ animantur dictione. Mori non possunt, ipsis vivunt in exequiis, & jam sepulti resumunt animam; exituri sepulchro, nisi illos, sub marmore, vocis Tuæ gratia, attonitos detineret; aut desperarent, iterum vitâ redeunt, alteram à Te laudationem promereri. Hactenus enim, quidquid egerant, minus præstitisse agnoscunt, ut à Te laudarentur. Quoscunq; Tu, funebris Orator attollis,

*Funere felices, atq; ipsâ morte superbi,*

hoc præclare factis suis, à Cælitibus, lucro mercedis accedere putant, quòd à Te, illa velint celebrari. Istud Elisii inter se Manes, alii præ aliis majus aliquid se habere jactant, pro quibus, Tu, è mortuali lapide perorasti. Non, si hæc aliq; tot felicissima facundiæ Tuæ argumenta ullis Codicibus illigasses, satis fuerat ad totius memoriam Immortalitatis, illa, ab ore Tuo, coram INVICTISSIMO IOANNE III, & AVGVSTA MARIA CASIMIRA toties protulisse. Illis hæc tam crebrò audientibus, atq; ut audirent, Te invitantibus, totius mundi aures occuparunt. Certè altius, meliusq; defigi non poterant; nam cùm per has, Regali utriusq; Pectori delaberentur, non illa profundius aut  
feli.



felicius, Apollinis vel Sybillæ alicuius antro demissis:

Cùm iam plerisq̃, Pax optaretur periculosior bello, nollent vincere ne pugnarent, convenire vellent hostibus, ut discordarent Europæ; Iam sub Martiali hastâ fædum Pacis vendebatur otium, ipso sanguine, sanguinis eluebantur causæ, multi id unum domi consulere, proponere consulendum in publico, ne Polonia esset misera, ut fieret fædifraga. Iam plerorumq̃ docta, ut opinabantur, spargi folia, quibus svadebatur, poneremus ferrum contra Turcas, iam fatigati cladibus, quasi non, obnoxii majoribus futuri, si ferrum poneremus: quid tamdiu Aquila gereret fulmina unguibus, velut Gigantes hi, illam inermem formidaturi essent, quàm etiam fulminantem oppugnabant. Iam ipsi Scytharum præcipui, ad nos missi, abjicere tela manû, tentare pollicitationibus, Vrbes Provinciasq̃ restituere; habituri, de quo gloriarentur, nostra nos non nostris manibus recepisse: Offerebant, quod deinde eriperent. Interim quietis egebant, bello recentiores adfuturi. Iniremus pro Sacro, hostile fædus; Bizantio mitteremus gaudia, Romam lacrymas, cogeremusq̃ Amurathe impio ridente, Sanctissimum Quirinalem flere Senem. Quæ Polonis exprobratio? nolle diu esse fortes; nolle in multos vincere Annos, ut deinde unâ die vinceremur. Iam abstergere multi gladium sanguine hostili, atq̃ ignaviâ imbuerre propriâ, simul illum vaginæ inferre, & quæ, illo educto, istam occupaverat, ingentem excludere Gloriam; dimittere amplexu Europam, Romam, Turciâ; iam bibere ex Mæoti Pacis ebrii, sobrio cum vellet Tyranno in casum protrudendi. Tu interim PRÆSVL VIGILANTISSIME, ut unus, nostræ Gloriæ, Romanis solatiis, luctibus Turciæ suffecisti! Tu talibus multorum consiliis potior intervenire, evolvere periculum regentibus, ex malacia intelligere tempestatem, ex serenitate tanta nebulas fædas præfagire. Tu tantum

*a. -- -- -- Pacis habentia vultum*

detegere discrimina, & placido Euxino, arma nobis in fundo ostentare; dicere: Reipublicæ nostræ Cymbam,

O<sup>2</sup>

*a. Lucan.*

Ethe-



Et hesiis quibusdam nunc abduci à littore, ut longiùs  
 suæ distet securitati, instante quocunq; Aquilone. Sed  
 parum erat AGNVM ZALVSCIANVM, more Roma-  
 norum, hostili emitti Campo, ut ad prælium in Turcas  
 velut novâ indictione provocaret. Respexisti adhuc SE-  
 NATORVM OPTIME, quô, eligentibus periculosam  
 Pacem, tuta consuleres bella, & fortia ingereres, ignava  
 tentantibus; vibrâsti eruditissimum Calamum Tuum,  
 defendistiq; Martem, qui se gladio suo non poterat; op-  
 posuisti impenetrabilem Libelli Tui Clypeum, quem  
 nulla Pacis tela pervaderent. Eluisti Bellonæ Laureas  
 Tuo docto sudore, ut recentium instar placerent. O-  
 stendisti nobis Calamo Pacem cum Securitate, è longin-  
 quo ultra Tentoria, Castra, jacentia acervo Tela, ple-  
 numq; Sangvinis pratum, positam, nunquam illam ni-  
 si per hæc adituris; aliam nobis hanc, effictâ illius spe-  
 cie, è propinquo offerri, quòd *a nunquam maior Pacis affulgeat spes,  
 quàm cum seriò bellum geritur;* Securitatis Oleas inter Laurus  
 germinare; hanc quoq; Iridem expectandam post im-  
 bres, quibus Gradivus, vulnera, sanguinem pluit. O  
 PRÆSVL SAPIENTISSIME, quàm victoriosè, antequàm  
 nos in hostes exercitum, Tu contra nos Tui aciem in-  
 genii instruxisti! Quantum Tuis inerat pondus, quô,  
 aliorum, gravissima cum viderentur, consilia oppressisti!  
 Nemo erat, qui illam doctissimam Tuam Martis Apo-  
 logiam legens, non ipse pro illo armaretur. Iam in-  
 duti Togam, quantocyùs Sagum arripere, ne illam indu-  
 isse cernerentur; ad singula quæ afferebas, iratum sibi i-  
 psis agitare Caput, ut excuterent, iam injectam Pacis  
 Oleam; simulq; veteres Laurus dum respicerent, indi-  
 gnos se illis fateri, quas ita excussissent facilè, cum nunc  
 tantum illarum pretium ex Te didicissent. O hoc Tu-  
 um, quanquam paucis breve paginis, ingens triumphis  
 Volumen! Faceessant funesti Annales Caligulæ, in qui-  
 bus singulos Civium suorum dies, annotatis mortibus  
 distingvebat; <sup>b</sup> PUGIONIS unum, GLADII alterum  
 nomine insigniverat, eminùs, comi nùsq; collatis vulne-  
 ribus

<sup>a.</sup> *Eam: Strada.*

<sup>b.</sup> *Sueton.*



ribus, omnes domi sublaturus. Quâ, Tui huius victori-  
osi singulas paginas Libri, Armorum appellatione inscri-  
bamus? Aliquam ex illis Hastæ, Gladii, aliquam majoris  
etiam Tormenti nomine celebremus. Nullâ enim nō, vel  
è longinquò peti, vel iâ ex propinquo feriri hostis, ab omni  
verò ingentibus rationum globis validissimè oppugnari.  
Dicam simul! Armamentarium Bellonæ nominemus, ex  
quo nostra rursus Victoria, omnia sibi in hostem tela edu-  
cebat. Quantum ergo Tibi, Regnum nostrum, quan-  
tùm Austria, Italia, Orbisq; Europæus deberet! Antequâ  
nos ipsi, hostes nostros, Tua Pacem cum illis, delevit  
Spongia; antequam iterum, in Tyrâ Danubio, in Tuo  
prius Atramento nigrum funus subjerunt. Singulis fo-  
liis, Threijci alicuius Regni tumulus regebatur: imò,  
cùm hoc Asiâ, Africâ alterum, illud totam sub se con-  
deret Americam, adhuc supererant, quæ totius sepul-  
to Turciæ Imperio essent ampliora. Ohunc Calamum  
Tuum, quo labentem fulcisti Martem! quò Tua Pie-  
tas, meliùs, quàm alii, cum hasta, pro Aris Focisq; ste-  
tit in excubiis. Hunc ego Calamum felicitatis nostræ  
mensuram puto; hōc metior, Urbibus, Regnis, Popu-  
lis, Templisq; quidquid deinde magnum sibi gaude-  
bunt superesse. Ergo quæcunq; adhuc de Turcis Scy-  
thisq; statuemus, primum de illis Calamus Tuus stabit  
trophæum; ille, tot opima Spolia, omnesq; manubias,  
quas detrahi hostibus persvasit, sustinebit. Illi omnes  
Laurus, quas nobis victoribus Bellona porriget, circum-  
ponemus; illi omnia triumphalia circumvolvemus fer-  
ta, quibus, Oleaginam securæ Pacis Coronam superad-  
demus; simulq; nostra illum Bella, Pax quoq; nostra  
coronabit. Et quâquam hoc Tuum Laudatissimum  
Opus non Mars ipse evolvisset, satis erat Invictissimo  
perlustratum IOANNI III placuisse, adeò, ut Polonus,  
Macedonico major Alexander, præ Homeri Iliade, in  
illo, suo supposito Capiti, somnos suos caperet triumphales,  
atq; nihil præter hostium Clades Patriæ Victoriam,  
Exercituum Laureas, etiam somniaret. Verùm tamen



etiam ultra Alpes & Pyrenæos Montes, SANCTISSIMI in terris VICARII manus involavit. Quantis, suo Sanctiorem nomine Pontificem, solatiis, illud pertractantem, detinuisti! quoties, omnibus, quæ afferebantur, lætis annuere gestibus! quoties Capite suo sensum totius Orbis illi addiceret! semperq; novo vultûs sereno, sua, ex Te animi sui gaudia explicare! Iam jam Te designabat Honori suum observanti Solium, ut Te illius menti deinde reduceret; vix non, tam disertum pro Religione Chrysostomum, Patriarchæ Insulis coronabat. Exspecta tantisper, teneq; obsidem promissorum paginam Romanam; & interim solare merita Tua his laudibus, quæ Tibi huc ex Tiberi profluxerunt. Gaudet Tuam Scientiam ipso Romæ triumphare Capitolio; quæsitumq; in Vaticana Bibliotheca locum, quo hic Tuus Liber præ aliorum codicibus, altius poneretur. Parce tamen PRÆSVL MERITISSIME; post tot exterarum Gentium & Romana quoq; Elogia, semel nunc Te Sidus appellare non possumus; sic enim non aliter, quam ingens Turcis Cometes emicuiisti, qui iam vel Regna illorum mutares cladibus, vel Virgam Domini, fasciato tyranno præluceres. Et jam satis de Te à nobis afferebatur, ex quibus Tua æstimatissima Virtus & Sapientia omnibus pretio sit ætatibus. Non Tibi vel è Cœlo quisquam emendum svaserit aurum ignitum, qui Chrysostomus, hoc est, totus Aureus es. Tui quoq; tanta Ingenii, aliorum cuiusvis Eruditionis thesaurum superat. Quid verò est ANTISTES LABORIOSISSEME quod quotidie præ nobis citius vigiles, tardiusq; se nox terris, quam Tu Tuo proripias cubili? Scilicet tunc potes Tuos pulsat Pietas, Sapientia; illis surgis, ut Te remotis solum arbitris conveniant. Esse laud scio, qui assequi possit, quæ tunc, utriusq; Tibi expediuntur negotia; nec nunc scire meremur, quæ aliquando Pietas, ipsa inter Astra nobis edicet, qualia illi, prolixâ tunc devotione ex Sacerrimis, quos ipsa tecum composuit, recitas Fastis; quædve etiam majora illa sint, ut nobis



nobis alibi quàm in ipso Numinum confessu evulgentur!  
At verò Sapientia, tunc doctos Tibi ingerit labores; suum porrigit Calamum, quo, ex totius Antiquitatis Codicibus eruas, hætenus aliis irreperta. Te, cum soli illi Tuum vacat latus, suo ducit gazophylacio; feligisq; Tibi, qualibus eruditionis opibus nostrum ditas ævum. Ita est: SENATOR LITERATISSIME, surgas ante diem, somno, hoc est Mortis Fratri intellus, ut diutius vivas Sapientiæ & cū hac, Patriæ, Nobis Religioni, Ecclesiæ. Amissas aliis, etiam in tenebris quæris literas. Inter umbras, omnem perfectam Scientiæ ducis lineam. Pars reliqua noctis Tux, totis noctibus Atticis eruditior est. Omnem Cleanthis, Aristophanis Lucernam extinguis, Tuam accēdendo. Ipsa, cum Tuam in Ara Sapientiæ accendis Lampadem, illius luce Astra vinci timent. Phosphorus Eruditorum dici posses, si post Tuas tunc lucubrationes, plūs adhuc nobis vel ipso possemus è Cælo luminis polliceri. Antequam Sol Terras, Tu illustras paginas, ex quibus tanta deinde lux in Sarmatiæ utrumq; Senatum evolvatur. Omnia Tuos, refers in Codices, ipsis, quæ tunc necdum Olympo, excesserunt, Sideribus, annotanda. Illa scribis, quæ omnes, tunc Stellæ, hoc est linguae cœlestes, in reliquum diem, medio evulgent Cœlo. Scio tamen PRÆSVL VIGILANTISSIME, quid Te in istas sollicitat excubias! Tuus Te urget vigilare Scientiæ Thesaurus; ut omnibus, effodiendis sufficiat, cogeris diem prævenire. Eruditius Tu in cubili Tuo, quàm alii ipso somniant Parnasso. Nullus cum possis accusari avaritiæ, tamen nemini Te uno plūs velles, esse Literarum. Ergo tanta Tua sciendi aviditas, aliquid Tibi vel sopito accumulatur; Tibi aliquid Historia, Tibi Pœsis, Tibi Senatoria Svada dictat aliquid, etiam dormienti. Ideò Te tam citò proripis; stringis Calamum, oblivionem oppugnando. Minuis Tux onus memoriæ, ut aliis, quæ totus illi rursus imponet dies, ferendis sufficiat. Atq; hinc est, cum in publicum exis, ipso vultu, quendā magnæ præfers nitorē Dō-



Ærinæ, quod prius quàm alii symplice lymphâ, Tu jam  
Mufarum fonte, Tu Castali & toto Hippocrene abluar-  
is. Hinc etiam est, quod semper Te ipso plenus, non  
egeas, quæ aliunde accersas, ut Sapientior aliis EPI-  
SCOPVS, Prudentiorq; SENATOR audiaris.

Non hîc mihi Tuis in Laudibus elabi sinam, quod  
ille inter Vates Romanos Consul, & inter Consules Ro-  
manos, Vates MANILIVS, cùm Taurus in Axe, alteri  
Caput Astro advertisse, Leo quoq; ad alterũ attētis micare  
auribus videatur, planè de ZALVSCIANO AGNO,  
non tam Astronomico suo Volumini, quàm ipsi Zodia-  
co, non cuicunq; Augusto, sed supremo Iovi legendum  
annotavit:

CONSILIUM IPSE SUUM EST ARIES, UT PRINCIPE DIGNUM EST;  
AUDIT SE.

Quot hîc præ me ex Splendidissimo hoc AGNI  
Tui Astro affulgentibus mihi radiis, Tua pendere Elo-  
gia, jam jam casura in paginam, & multâ se illis luce  
illifura!

CONSILIUM IPSE SVVM EST ARIES;  
Omnia, ANTISTES FELICISSIME, quæ summa, Tua possides.

Nihil depromis aliunde;

ipsum quod affers Tibi, consilium Tuum est.

Non Tu heri didicisti ex altero, quod hodie loqueris in Senatu.

Tam proprio dives consilio,

quàm multi olim, ut nobis salubrius confulerent, nonnisi Tuo eguerunt.

CONSILIUM IPSE SVVM EST ARIES;

Aliquid in præcipuis Tuis mutamus Titulis;

non Tu iam inter Senatores, Præsules, Magnus Regni Fideique Consul,  
sed ipsum Consilium es.

Debemus Vobis Superi grâtiâs!

meliolem hanc, quàm omnibus reperire possumus in Fabulis,  
nobis, redordiri Metamorpholim estis!

Hiacynthus in florem literis inscriptum,

Achilles vocalem in Cygnum, Echo in vocem;

hic, ipsum, mutatus in Consilium est.

Abstine si potes, aliquando, quod optamus, non proferre!

Frustra in hoc omne advocēs silentium;

qui Te tantum aspicit, suum illi Tecum Consilium occurrit,  
quia Consilium ipse es.

Quàm de Te Seneca verissimè protulerat:

*Est, quod ex tacente etiam Viro proficiat.*

Nam, quemadmodum si fileas, non Te ipsum amittis,  
adhuc suum omnibus ipse Consilium es.

CONSILIUM IPSE SVVM EST;

Multi quantum nostris abesse volunt commodis, tantum suo absunt consilio;  
hoc



hoc emissio, alium se mentis recessu Tiberius retinet.  
Tua cogitationibus Tuis non recedit sententia ; totus Tuo ines consilio ;  
quia Consilium ipse es.

AVDIT SE:

Ita est ; Te unum audi, ut cuncta audias.  
Tuo aurem Tuam refer Pectori,  
intus habet Curiam, intus Senatûsconsultum agitur.  
Te audi ! Tibi ipse loquere, quod audias.  
Non Tibi Mercurius, non Apollo dicere quidpiam potest,  
ut illos præ Te audire velis.  
Quinimò, suscipe laborem Minerva !  
medio Rostra statue Senatu ;  
jube defunctos Consulum omnium Romanorum prodire Manes !  
Hunc Cicero, hunc Gracchi, hunc ipsi audiant Catones ;  
discant ex illo, quod nusquam hactenus audierunt.  
Frustra tamen hoc illis afferat, quod se audiendo, solus percipit.

AVDIT SE :

par altera, illi audiendo, auris ubi est !  
Seipsum ARIES audit inter Astra ;  
non, alia ipsum Sidera audire, digna sunt.  
Seipsum audiens  
Sibi Consul ipse, ipse Senatus,  
imò Consilium ipse suum est.

Minus de Te pronuntiassent, si aliquid, quod ejusdem Ro-  
mani Vatis. Cœlestis Astronomia, in ZALVSCIA-  
NO laudandū AGNO jam olim suspexerat, omis-  
sem. Nempe, cum illud Astriferæ Corpus Reipu-  
blicæ, Humani lineamenta imiteretur ; partesq; illius,  
humanas cum similitudine, tum æquali collocatio ne  
repræsentent:

( Accipe divisas. Hominis per Sidera partes ;  
Singulaq; in propriis parentia membra Figuris.  
Sic . . . . . colla  
Taurus, & in Geminis, æquali brachia sorte  
Scribuntur connexa humeris, pectusq; locatum  
Sub Cancro est laterum Regnum, scapulaq; Leonis &c.)  
... ARIES CAPVT est ante omnia PRINCEPS.

Sortitus:

Affurge ARIES ZALVSCIANE Tuæ merito Dignitatis,  
Quo nobis in Terris haberi debes,  
si in Cœlo ipsius loco Capitis es ?  
Quam ipsis necessarius Astris,  
sine quo, illa, quod sine ipso quisquam Capite !  
O Totus, Cœleste CAPVT !  
nil in Te minus Cœlo apparet ;  
ut vel Tibi Luna ipso in plenilunio  
& ipse semper inuideat Titan,  
cum se nobis solâ Capitis specie è Cœlo ostendat.  
Frustra sunt : nihil hæc nobis Tuâ imponent imagine ;  
ARIES, CAPVT est ante omnia PRINCEPS sortitus.



Quid tamen isthic in Cœlo ipso Verticis agat officio?  
 Si illi Romanorum Toli, Tarpeium;  
 huic, Cœleste Capitolium infundatur.  
 Ne jam quære amplius,  
 quid hœc illic præstet Capitis munere?  
 quemadmodum Caput in reliquo membrorum agmine,  
 illum, ipsa Superi inter Astra volunt eminere; satis est.  
 Testor Sidera!  
 à nullo, huic ARIETI, metuo periculo;  
 quodcumq; ingruat, ipsi Cœlo, de suo agitur CAPITE.  
 Non minus illum in Olympo Stellæ,  
 quàm istud, reliquæ in Corpore partes, propugnabunt.  
 Arbitrare quicumque es,  
 ZALVSCIANVM AGNVM,  
 non PRIMVM esse ubique SIDVS;  
 si in Zodiaco, ipsum Siderum omnium CAPVT est!

Habetne adhuc, quò Tuæ Episcoporum Doctissime ascen-  
 dat Sapientiæ Panegyris! Arentes Thessaliæ evada-  
 mus Terras, & quod olim Labienus adeundum Catoni  
 suaserat, Lybici nos nemoris delubro inferamus. Hic,  
 præcipua, confluentibus undiq; fundens gentibus Ora-  
 cula Iupiter, non alio quàm <sup>a</sup> ARIETIS CAPITE vi-  
 sebatur. Stabat alto effultus Altari Ammon, illi supplices  
 sternebantur populi; interim tamen non aliud illius,  
 quàm quale Tuum AGNE ZALVSCIANE Caput est,  
 adorabant. Quid isto in laudem Tuam antiquius!  
 quàm, Ipsum omnium priscorum Numinum Maximum,  
 quo, responsa Regnis ferebat, toti sua edicebat mundo  
 fata, tuū sibi verticem adoptasse. Quàm mihi mo-  
 nendi sunt, qui hoc Tuum nil humano majus habere  
 putant; an non Divinum, quod, ipsius Iovis Caput  
 est! Sed ne Lybici tantum legam arenis, <sup>b</sup> & *mersum pulve-*  
*re verum* ipsa utiq; Sapientia Increata, in terris, non alio  
 potiore, se nobis quàm AGNI nomine commendabat.  
 Tutamen PRÆSVL MODESTISSIME mavis divinos  
 mereri titulos, quàm audire; cūmq; hactenus ex Sena-  
 toria Curuli, Patriam ad triumphos, Sacriscq; ex Rostris  
 omnes ad consecutionem Virtutis, & ipsam erudieris  
 Iustitiam, nil certius dicimus, quàm Te in Pulcherrimum,  
 quod totam irradiet æternitatem, Sidus abiisse.

Atq; jam, quòd parum sit, in Tuæ hodie Pompam  
 Dignitatis omnia terris evocari gaudia, ipse Tibi O-  
 lym-

<sup>a</sup> Thes. Ling. Lat: Iovi Ammoni simulacrum cum Capite Arietino. & Lucan. l. 9. Cor-  
 niger Ammon. & idem l. 2.



lympus plausus ingeminet triumphales? Respicere  
terras, quas pridem inter astra positus despicias, illata  
cælis, erepta Poloniæ Anima, sine qua diu se vivere  
non arbitrabatur, omnium Principum & Primatum, Vir-  
tutibus Tuis & Meritis, jam Superum quoque ornamen-  
tis, Immortalis Primas Princepsque ANDREA OLSZO-  
WSKI! lætare in hoc Nostro & quidni nunc magis etiam  
quam olim Tuo, Præsule, Nomen Tuum atque cum nomi-  
ne omnia decora Tua geminata esse. Quamvis jam  
inter Numina, destinatam Tibi Curulem occupas, cum  
hunc respicimus, necdum credimus Te Grande Episco-  
porum Senatorum Numen, nostro apud nos subteluo ex-  
cessisse. Tu quoque non ita Ambrunensis Insulæ hono-  
re, quam sublimiore Insulis sanctimoniâ LAVDATIS-  
SIME ANTISTES, gaude Tui præfagii eventus? Nactus  
tanti apud nos fidem oraculi es, quo, olim, DIVINO  
CONSILIO AD MAGNA NATVM edixisti. Sed si  
quondam optatus illius Vates, nunc adhuc nostræ inter-  
pres felicitati non recusas invocari, quam hæc, quan-  
tumque magna, quæ, incertæ magnitudinis, vocabulo in-  
volvisti? An Tu ipse ignoras, quam magna hæc de illo  
à Te pronuntiata sunt? Veruntamen, dum nos incer-  
tos unius, omnis de illo certos magnitudinis effecisti.  
Non semel magnus est, de quo ipsi consultant Superi,  
quam magnum facturi sint. Quasi nec ipsis statim oc-  
curreret, cui illum magnitudini initiarent, consilium  
ineuntes, ex omnium illarum cumulo seligebant.  
Audite Cælites! scimus, ad quæ illi quamque magna, inspirâ-  
tis animum; nimirum ut nonnisi ageret maxima, nec  
illis proferret minora aut scriberet; ut maximis ubique  
Operum suorum, Consiliorum in Senatu, Concionum in  
Templis, scriptorum utrisque doctissimorum prodigiis.  
Voluminum, esset ingens Episcopus, Senator; imò.  
Episcoporum Senatorum Magnum SIDVS. At verò  
EXCELLENTISSIME ILLVSTRISIME & REVE-  
RENDISSIME DOMINE, ingredi jam Tuæ Appi-  
am dignitatis; nemo est qui Tibi non occupet viam tui ap-  
plau-



plausu Honoris, sinceritate gaudii ex Te Præsule, &  
 novo in terris Sidere. Aspice, Avitam\* Palatinatûs  
 huius Aquilam expansis alis obvios Tibi tendentem  
 \*Nigra, pe  
 glori literâ  
 P, prefixâ amplexus. Publicæ Tibi Candorem lætitiæ, quamvis  
 atra pingit Ales; sic enim illam, vel hic, quem Tuæ con-  
 cursus Pompæ attollit, excussus humo pulvis denigravit;  
 vel Cyclopus, ex Æthna, redux caminis, tantâ Iui huc  
 aviditate aspectûs, ut nec patrio fumum elueret Ifulâ,  
 festinavit. Quanquam, ne non totius Poloniæ Avem  
 putes, ex una Pectoris lege Litera; totam se Tibi in illa  
 monstrat Poloniam attulisse. Hæc, cum ex alio non pos-  
 set, in Aquila, Te, ex cordis, hoc est, Amoris fenestra  
 speculatur. Istius prostantis in suo pectore, literæ Si-  
 gillo indicat, quantus Tuo animo, Eruditionis thesau-  
 rus abscondatur. Non Tibi tonitruum globos, non  
 trifurca unguibus tela expedit; quod à Te EPISCOPO-  
 RVM DOCTISSIME omnes quicumq; Romanum lo-  
 vem Gigantes oppugnent, ipsâ à Te Literâ, periman-  
 tur. Tantum Tu illis colloqui, tantum Divinis Codici-  
 bus, sacram intentare Literam, cum omnes Tibi ceu  
 fulmine iecti procumbere. Aspice! quo illi loco es; unius  
 ejusdemq; hactenus huius indicio, quo Poloniâ, Te Præ-  
 sulem suum, ad perpetuam Amori suo memoriam, corde  
 ipso annotavit. Cum plenam Tibi suffragiorum, pec-  
 toris urnam fortiretur, hæc quâ potuit unâ hinc emissâ  
 Literâ, Te Præsulem suum designavit. Undecunq; ta-  
 men hæc illi impressa sit; seu dum adhuc Vexilla Roma-  
 norum \* adversa involat, hanc sibi ex illis incussit; seu  
 dum toto pectore Poloniæ Gloriæ Typo incubuit, hæc  
 illi adhæserit. En Tibi hodie ita obvolitat, & ad Te  
 omnis Scientiæ Solem ipsas explorat Literas. Effer, P'o-  
 cia portas, omnia circumcursantia ut capias gaudia;  
 omnes demolire aditus, quod nullus sit, quo se, ad Te,  
 Par Tantum penetret, SIGISMUNDVS & ZALVSCI-  
 VS. Da latos Fortunæ Tuæ vultus, neq; nunc ipso  
 prodeuntes Olympo respice, dum Te hi præ illis potiores  
 sanctioresq; Gemini subintrabunt. Attolle tamen ocu-  
 los



los, vel in hujus unius Tibi Tanti SIDERIS exortu,  
quod in Infulati Honoris Zodiaco præcipuum, Tuo de-  
inde splendebit Horizonte. Puta non omnem Tibi eluxis-  
se Diem, cum jam tanta illius lux, Tuas irradiare Tur-  
res coeperit. Ex AGNO, quam innocuos Tuos, tam  
planè beatos metire fulgores. Non Tibi non de omni  
Tuo constat sereno; neq̃ enim Tibi jam relictum, ut  
alicujus egenæ luminis, cogaris illud aliunde implorare;  
cum Tua sibi compertum habeat felicitas, <sup>2</sup> cujus Civita-  
tis lucerna est AGNUS nec ipso aliquando Sole vel Luna eguisse.  
Ergo prodigia quoq̃ temporum mensumq̃ æsti.  
ma! hoc post innumeros, uni huic contigit Majo mira-  
culum, quo, cum alii nobis tantum flores, hic, & reli-  
quis Astris, & Principibus Astrorum Luminaribus Sidus  
majus, procrearet. Iam venire in pulchri partem labo-  
ris, Fama, Honor, & Virtus; & ut omnia Tibi in uno  
hoc gratulentur, grandioribus Tuæ Fortunæ caracte-  
ribus, Tuis ubiq̃ Portis incidere:

INDIA MITTIT EBVR, TAGVS AURVM, SVCCINA, BALTHIS,  
PACTOLVS GEMMAS; PLOCIA, SIDVS HABE.

*Aperal.*

*Tardum, se-  
reni parti-  
bus athera,  
Te SIDVS  
adda.  
Sarab: l. r.  
ode 10.*








T. XXII. 2





stdr0023647

Biblioteka Jagiellońska



stdr0023647



